

Christ Centered Champions



**BOKY FANAOVA-MPIANATRY  
NY TOMPON-DAKA  
MIFOTOTRA AMIN'I KRISTY**

[©MISIONA MIFOTOTRA AMIN'I KRISTY]

[TSY AZO AMIDY]





**“MANDRESY, MAMPIANATRA ARY MAMPITOMBO AMIN’NY ALALAN’NY FANATANJAHANTENA”**

### **FAMPIDIRANA**

Tamin’ny tapatapan’ny taona 2010 dia nisy ekipa-na Evanjelistra Mafana vay niasa tany Cambodge, nomena fanamby hahay hamorona fomba hisarihana ny olona hihaino ny Filazantsara. Koa dia nalain’izy ireo ny baolina kitra dia nankeny an-kalalahana izy ireo, ary nanomboka nodakadakany izany. Tsy ela dia lasa 50 ireo olona vitsy 10 ary nitohy niha-betsaka. Nampahafantatra ny Filazantsara ireo evanjelistra ary nisy mpino vaovao nanampy ho isan’ny olona tao amin’ny Fanjakany. Tsy nahalala izay tena planin’Andriamanitra izy ireo, fa nangataka fanampiana. Nanasa misionera avy tamin’ny firenena samihafa nizara hevitra tao amin’ny Misiona mifototra amin’i Kristy tao Atlanta tao Texas no nataony ary teraka ny Asa Fanompoan’ny Tompon-daka. Na dia najoro aza ny fentry ny hevitra, dia naniry ny hamorona asa fanompoana azo volavolaina, azon’ny firenena tsirairay ovaina, arakarak’izay hanarahany an’Andriamanitra, araka ny hitany fa iasan’Andriamanitra izy.

### **MISIONA**

‘Ny Tompon-daka Mifototra amin’i Kristy’ dia mikatsaka ny hitondra ny olona hihavana amin’i Kristy Jesosy, amin’ny alalan’ny sehatry ny fanatanjahantena. Vao avy mandray an’i Kristy izy ireo, dia mahazo fanofanana ho mpianatra ny fomba fizarana an’i Kristy amin’ny hafa. Vao lasa Kristiana miasa izy ireo, dia te hitondra an’i Jesosy any amin’ny ankohonany, fiangonany, ary izao tontolo izao. Rehefa mitombo ny isan’ny mpianatra, dia mitombo ho azy koa ny Asa Fanompoan’ny Tompon-daka.

### **JERY LAVITRA**

Jery lavitry ny ‘Tompon-daka Mifototra amin’i Kristy’ ny manome ny fananany ho an’ny fiangonana manontolo mba ikendrena ny hahazoana, hampianarana ary hampitomboana ny olona amin’ny alalan’ny fanatanjahantena. Amin’ny alalan’ny fitadiavana mpitantana, izay manaiky hanara-maso ny fanombohana sy ny fitomboany, any amin’ny firenena rehetra manerantany no anombohana ny jery lavitra,



**“MANDRESY, MAMPIANATRA ARY MAMPITOMBO AMIN’NY ALALAN’NY FANATANJAHAN-TENA”**

#### **DINGANA 1**

##### **“MPITANTANA”**

Kristiana matotra sy mijoro tsara no tadiavina hatao “mpitantana” ho an’ny faritra samihafa manerana izao tontolo izao. Matetika ny atao hoe faritra dia firenena, fa ny firenena sasany lehibe na amin’ny lafiny mponina na ara-jeografia, ka ilaina ny “Mpitantana” maro. Raha liana ianao dia andefaso email izahay ao amin’ny [win@ccchampions.org](mailto:win@ccchampions.org)

#### **DINGANA 2**

##### **‘MPANAZATRA’:**

Ny faritra sasany efa manana Mpitantana vonona hanampy. Mitady “Mpanazatra” hanofana izay ho tompon’andraikitra amin’ny ekipa samihafa eo an-toerana ireo “Mpitantana”. Ny “Mpanazatra” no mitarika ekipa amin’ny fitoriana filazantsara, fanaovam-mpianatra ary ny hetsika ara-panatanjahantena samihafa. Raha liana hanao “Mpanazatra “ianao, dia andefaso mailaka izahay ao amin’ny [win@ccchampions.org](mailto:win@ccchampions.org), dia halefanay any amin’ny mpitantana ny faritra misy anao ny fangatahanao.

#### **DINGANA 3**

##### **“MPILALAO AO ANATY EKIPA”**

Ny “Mpanazatra” dia tompon’andraikitra amin’ny famoronana fomba handraisana mpilalao ao amin’ny faritra misy azy. Ireo “Mpilalao ao anaty Ekipa” dia ampahafantarina ny hafatry ny Filazantsara ao anaty fivoran’ny mpanao fanatanjahantena. Na voavonjy izy na tsia, dia mety mbola hanombohana programa-na fanaova-mpianatra, ao anatin’ny famafazana voa eo amin’ny fainany.

#### **DINGANA 4**

##### **‘KAPITENIN’NY EKIPA’**

Raha vao mitsangana ny ekipa, dia manomboka programa fanaovam-mpianatra mandritry ny 12 herinandro ny mpilalao. Raha vao vita ny programa fanaovam-mpianatra dia mahazo medaly varahina izy ireo. Raha mahavita manao mpianatra hafa ireo nahazo medaly varahina dia mahazo medaly volafotsy. Raha mahavita manao mpianatra ny nahazo medaly volafotsy dia mahazo medaly volamena. Raha mahazo medaly volamena ny olona iray, dia azo atao kapitenin’ny ekipa ary azo heverina ho manana ny toeran’ny “Kapitenin’ny Ekipa “izy ary mety hotendren’ny Mpanazatra hanomboka ekipa vaovao. Izay no fomba hitomboan’ny asa fanompoan’ny Tomondaka eo amin’ny tenany.



**DINGANA VOALOHANY:** *Sady mampiasa baolina noana izay hita fa fisaka, alatsaho eo amin'ny tany ny baolina, hampiseho fa tsy misavoana ilay izy; dia avy eo, araho misesy ireto fanontaniana ireto:*

1. “Inona no tsy mety e!” Ny valiny dia hoe noana ny baolina na tsy nasiana rivotra ny baolina.
2. “Raha nanao ity baolina ity ny mpanamboatra azy, inona nozava-nokendreny? Inona no notadiaviny/nantenainy fa ho atao’ity baolina ity?” Dia mbola mazava ny valinteny hoe “Mba hisavoana”. “Mba ho azo ampasaina”. “Mba ho azo dakàna na omena katro-doha”.
3. Rehefa izay, “Nahoana ity baolina ity no tsy afaka manatanteraka ny antony namoronana azy?” Valiny: “Noana/tsy misy rivotra ilay baolina”
4. Farany, apetraho ny fanontaniana hoe: “Inona no ilaina mitranga mba hahatonga ity baolina ity hahatanteraka izay kendren’ny mpanao azy?” Valiny: “Ilaina fenoina rivotra ny baolina”.

**DINGANA FAHAROA:** *Manomboka eto dia mitodiha amin’ny “Baolina Feno Hery™ kokoa”, dia manomboha mizara ny filazantsara, amin’ny fampiasana ireo lokon’ny riran’ny baolina. Izao aloha e, antsoina hoe Baolina Feno Hery™ kokoa ity baolina ity, ity baolina ity satria ireo loko dia mamela anao hizara ny filazantsara; ary araka ny lazain’ny Apostoly Paoly hoe ny filazantsara dia herin’ Andriamanitra ho famonjena. (Romana 1:16). Ny “Hery” koa ho fanombohana ny fizaràna ny filazantsara amin’ny alalan’ny loko. Manomboha manazava mikasika ny tena hery marina amin’ny fanombohana hoe...*

**MANGA**-Andriamanitra no Ilay namorona ny lanitra sy ny ranomasina, ary Izy aza no namorona ahy sy ianao. Io Andriamanitra io dia te-hanana fifandraisana (fifandraisana masina) amintsika.

**VOLAMENA**- Tia antsika loatra Andriamanitra ka tadiaviny io fifandraisana/finamanana io mba haharitra mandrakizay. Rehefa miresaka “mandrakizay” isika, dia miresaka fiaianana mandrakizay...izay laniana any amin’ny toerana antsoin’ny Baiboly hoe lanitra. Ny loko volamena no manambara io toerana mahafinaritra izay itoeran’ Andriamanitra io. Toerana tsy ahitana olana (ampitahao amin’ny tena olan’ny mpanatrika izany). Toerana tsy misy tomany(ranomaso), tsy misy fanaintainana na fijaliana... na fahafatesana aza. Toerana mahatalanjona izany. (II Petera 3:9; Apokalypsy 21:21)

**HAIZINA**- Na malalaka aza ity toerana ity dia ahitana olana. Andriamanitra masina Andriamanitra, fa isika tsy olona masina. Nanao hadisoana isika. Nandainga. Tezitra ary angamba namoaka izany hatezerana izany. Tondroin’ny Baiboly fa manao izany zavatra izany isika noho ny haizina ao am-pontsika. Lazain’ny Baioly fa ota io fahamaizinana io, ary ny ota dia mampisaraka antsika amin’ Andriamanitra (Romana 3:23; Romana 6:23) *[Mariho: Mety hanafintohina ara-kolotsaina na ara-karazam-poko ny fampiasana ny loko mainty ho fahotana; noho izany dia ny “haizina” no sarin’ny fahotana]*

**MENA**- Tany aloha isika dia niresaka ny haben’ny fitiavan’ Andriamanitra antsika. Lehibe loatra ny Fitiavany ka nanaiky namela ny Zanany lahy haka ny sazy vokatry ny nataoko sy nataonao Izy. Raha atao amin’ny teny hafa, dia mba handoavany ny tambin’ny otantsika. Maty teo amin’ny hazofijaliana Jesosy ary niaritra ny sazy izay tokony ho nihatra tamintsika. Ny loko mena dia sarin’ny Fahafatesany ary ny mampahatsiaro antsika fa voaloa ny “trosan’ny otantsika”; fa Jesosy Kristy dia nanaiky tamin’ny nahim-pony ny vokatry ny fahadisoantsika. (Jaona 3:16; Romana 5:8; 6:23)

**FOTSY**- Rehefa mino ianao, (matoky) ireo zavatra efatra ireo, ary mety tonga saina/miaiky ny ota/ manaiky fa nanao hadisoana/nanota, ary manasa an’i Jesosy ho Mpamonjiao, dia mamela anao Andriamanitra ary manadio anao amin’ireo hadisoana/ota ireo. Ny loko fotosy dia maneho ny fahitan’ Andriamanitra anao amin’izao fotoana izao. Noho ny sorona nataon’i Jesosy, dia tsy mijery anao ho toy ny mpanota intsony Andriamanitra, fa zanak’ Andriamanitra voadio. Voavela heloka ianao izao ary manana ny teny fikasan’ Andriamanitra (Isaia 1:18; 1Jaona1:9)

**DINGANA FAHATELO**: Mety hilaza angamba ianao hoe: “Manana safidy anio...amin’izao fotoana izao, na te ho baolina noana, na ilay feno ny fitiavan’ Andriamanitra, feno ny Fanahin’ Andriamanitra, feno ka ho tonga araka izay nanamboaran’ Andriamanitra anao. Te-hanana izany safidy izany ve ianao izao? Aoka hanana antoka fa ny fomba nanehoanao ny filazantsara, omenao irika HAMALIANA izay nolazaina ny olona. Omeo irika itenenana hoe “Eny” na “Tsia” amin’ny zavatra izay nozarainao taminy izy ireo, ary ny hampitombina tsara ny hetsika izay ataony. Omeo fahafahametraka fanontaniana izy ireo. Raha vonona (a)hiaiky ilay(hiombon-kevitra) amin’ Andriamanitra, hoe mpanota izy ary mila mpamonjy, (b)manaiky fa Jesosy Kristy dia maty nandoa ny tambin’ireo ota ireo, ary (d) vonona izy ny handray an’i Jesosy ho Mpamonjy sy Tompo, dia ampio ilay olona mba hanao ireo vavaka ireo amin’ Andriamanitra. Rehefa nivavaka handraisana an’i Kristy izy ireo, dia hamafiso izany, araka ny Soratra Masina, dia efa lasa manana antoka fa zanak’ Andriamanitra voavela heloka, izay manana ny teny fikasan’ ny fiaianana mandrakizay ireo olona ireo.

**MAITSO** –Nanao fanambarana ny finoana an’i Jesosy Kristy ianao ary tiako ny manome antoka anao fa voavela heloka ianao ary manana teny fikasanana ny amin’ny lanitra; na izany aza, ny lanitra dia zavatry ny ho avy, fa ianao izao dia mipetraka eto an-tany. Ny Baiboly dia mampianatra fa manana zavatra ho anao eto an-tany sy amin’izao fotoana izao Andriamanitra. Mba hahafahana manao izany zavatra izany, dia mila mitombo amin’ny finoanao ianao/ mahatakatra izay atao hoe “mpino”, “Kristiana”. Mitomboa (aoka ho matotra) mba hahatonga anao ho ilay olona tian’ Andriamanitra ho ianao. (II Timoty 2:15; Salamo 1:1-3; Efesiana 3; Kolosiana 3)



## BAOLINA KITRA™ FENO HERY KOKOA

### Hafatra Mitondra Fiainana

Tamin'ny namokarana ity baolina kitra ity dia zava-kendren'ny mpanamboatra azy ny hisavoanan'ny baolina: na izany aza, dia tsy hisavoana mihitsy ity baolina ity- ka noho izany, dia aoka ho tsapanao izay zava-kendrena tamin'ny fanamboarana azy... mandra-pahatanterany. Araka ny voalazan'ny Baiboly, dia tsy misy valaka amin'izany izaho sy ianao. Noforoin'Andriamanitra hanana fifandraisana Aminy izaho sy ianao - Fifandraisana hitondra fitahiana ho ahy sy ianao hatramin'izao ka ho mandrakizay. Kanefa mba hahatsapana izany fifandraisana izany, dia mila fenoina koa isika. Ny lokon'ity riran'ny baolina ity dia manazava ny fomba hahitantsika izany fifandraisana izany- ny fomba hahatonga antsika ho feno, hahavoavela heloka antsika, sy hahatonga antsika ho araka izay itiavan'Andriamanitra antsika. Ity tantaran'ny "vaovao mahafaly" ity dia manomboka amin'ny rirany manga...

**MANGA** - Andriamanitra no Ilay namorona ny lanitra sy ny ranomasina, ary Izy aza no namorona ahy sy ianao. Te-hanana fifandraisana (finamanana masina) amintsika ity Andriamanitra ity.

**VOLAMENA** - Tia antsika loatra Andriamanitra ka tiany haharitra mandrakizay ity fifandraisana/finamanana ity. Rehefa miresaka hoe "mandrakizay" isika dia miresaka fiainana mandrakizay...izay laniana any amin'ny toerana izay antsoin'ny Baiboly hoe lanitra. Ny loko volamena dia maneho io toerana mahafinarittra izay itoeran'Andriamanitra io. Toerana tsy misy olana. Toerana tsy ahitana tomany(ranomaso), tsy misy fanaintainana na fahoriana.... tsy misy na fahafatesana aza. Toerana tapitr'ohatra izany.

**HAIZINA** - Na dia toerana lehibe aza ity, dia misy olana. Andriamanitra dia Andriamanitra masina, ary isika tsy olona masina. Manao hadisoana isika. Nandainga isika. Efa tezitra isika ary mety naneho fihetsika naneho izany hatezerana izany. Ny mahatonga antsika manao izany dia noho ny haizina ao anatin'ny fontsika. Antsoin'ny Baiboly hoe aloaky ny fo maizina, "ota" ireny fihetsika ireny, ary ireny ota ireny no mampisaraka antsika amin'Andriamanitra.

**MENA** - Teo aloha teo isika dia niresaka ny haben'ny fitiavan'Andriamanitra antsika. Tena lehibe loatra ny fitiavany ka nanaiky Izy ny hamela ny Zananilahy haka ny sazy tandrify ny zavatra tsy nety nataoko sy nataonao. Izany hoe, mba handoavana ny sazin'ny otantsika, dia maty teo amin'ny hazofijaliana Jesosy Kristy – Ilay Zanakalahin'Andriamanitra, mba handoa ny tambin'ny otantsika, hiaritra ny sazy izay tokony niaretantsika. Ny loko mena dia sarin'ny rà nalatsany tamin'Izy maty, ary mampahatsaiaro antsika fa efa voaloa ny" trosan'otantsika" fa naloan'i Jesosy Kristy ny hadisoantsika, fony Izy maty teo amin'ny hazofijaliana.

**FOTSY-** Rehefa mino ianao (manana toky) ireo zavatra efatra ireo, dia amin-kitsi-mpo no iaikenao fa nanao hadisoana nanota ary malahelo ny amin'izany ianao, dia avy eo mangataka an'i Jesosy Kristy ho Mpamonjinao, dia mamela heloka anao Andriamanitra, ka manadio anao ho afaka amin'ireo hadisoanao ireo. Nahoana no tsy mijanona izao dia izao ihany ka hiresaka amin' Andriamanitra (mivavaka)? lazao Azy fa mahatsapa ianao fa mila an'i Jesosy Kristy ho Tomponao sy Mpamonjy anao. Angataho Jesosy ho Tomponao sy Mpamonjy anao. Avy eo dia isaory Andriamanitra noho ny namelany heloka anao. Ny loko fotosy dia sarin'ny fahitan'Andriamanitra anao. Noho ny sorona nataon'i Jesosy, dia tsy mpanota intsony ny fahitan'Andriamanitra anao, fa zanak'Andriamanitra voadio. Voavela heloka ianao izao ary manana ny teny fikasana ny amin'ny fiainana mandrakizay any an-danitra miaraka amin'Andriamanitra.

**MAITSO** - Raha nanao izany fiaikem-pinoana ao amin'i Jesosy Kristy izany ianao, dia tiako ny manome antoka anao fa voavela ny helokao ary manana ny teny fikasana ny lanitra ianao; na izany aza ny lanitra dia 'amin'ny ho avy' fa ianao kosa izao velona eto an-tany. Ny Baiboly dia mampianatra fa manana zavatra hataonao eto an-tany sy amin'izao fotoana izao Andriamanitra. Mba hahafahanao manao ireo zavatra ireo, dia mila mitombo amin'ny finoana ianao/ mahatakatra ny atao hoe "mpino", "Kristiana". Ny loko maitso dia sehon'ny fitomboana... fitomboana amin'ny fahatakarana... fizotry ny fahamatorana...mba hahatonga anao ho ilay araka ny itiavan'Andriamanitra anao manontolo. Noho izany dia mitadiava namana Kristiana, manatreha fiangonana mampianatra Baiboly, dia ampitomboy ny fotoana iarohana amin'Andriamanitra, mba hivavahana sy hianarana ny Teniny. Fotoana mahafinarittra io. Mahazoa fahafinaretana.

Tianao ve ny hahatakatra bebe kokoa mba hihetsehanao arak'ity Filazantsara ity? Ao amin'ny boky anankiray ao amin'ny Baiboly, dia tantaraina ny mikasika ny voavela heloka sy ny fandraisana ny fiainana mandrakizay. Ampaherezina ianao mba hamaky sy hihetsika arak'ireto ampha-na andininy ireto: Romana 3:23(Mampahafantatra ny toerana misy antsika sy ny vokany); Romana 6:23a (mampahafantatra ny olantsika); Romana 5:8(manambara ny fitiavan'Andriamanitra tsy misy fepetra); Romana 6:23b (mampahafantatra ny vaha-olan'Andriamanitra amin'ny olantsika), ary Romana 10:9, 10 (manazava ny fomba hahavoavela heloka sy hananana fiainana mandrakizay). Andriamanitra anie hanokatra ny saintsika sy ny fontsika mba handraisantsika ireo fahamarinana ireo.

Fiangonana Fanatanjahantena Manerantany • 2084 Caravelle Court, Lincoln, CA 95648 • Etazonia

916-543-2033 • [www.churchsport.org](http://www.churchsport.org) • [ROswald@churchsports.org](mailto:ROswald@churchsports.org)



## FANAOVA-MPIANATRA LESONA VOALOHANY: INONA NO MITRANGA REHEFA MANDRAY AN'I KRISTY ISIKA?

### I. FAMPIDIRANA:

Tsy isalasalana fa ny ankamaroantsika dia mahalala Kristiana izay miaina toy ny hoe ny tsy handaniana ny mandrakizay any amin'ny helo no hany tombontsoa amin'ny fandraisana an'i Kristy ho Mpamony. Izany dia manohitra izay ampianarin'ny Soratra Masina, satria ny Baiboly dia milaza mazava tsara fa misy tranga isan-karazany miseho, rehefa mangataka an'i Jesosy hiditra ao am-pony ny olona.

Anio isika dia hifantoka amin'ny zavatra telo mitranga amin'ny fotoana vao aneken'ny olona iray an'i Jesosy. Amin'io fotoana io mihitsy, dia miova tanteraka ny fiainany, satria ateraky ny Fanahin'Andriamanitra izy, mitsahatra tsy "an'izao tontolo izao" intsony ary lasa olom-pirenен'ny Lanitra.

### II. NATERAKY NY FANAHIN'ANDRIAMANITRA

Araka ny JAONA 1:12-13, dia lasa "zanak'Andriamanitra" teraka indray ireo izay mandray an'i Kristy ho Mpamony. Tsy teraka ara-batana (nateraky ny rà), tamin'ny fanirian'ny olona (sitrapon'ny nofo), na tamin'ny fanirian'olona-kafa (sitrapon'ny olona). Naterak'Andriamanitra izy ireo! Amin'ny fotoana angatahan'ny olona iray an'i Jesosy hamela heloka azy, sy hiditra eo amin'ny fiainany ary ho Mpamony, dia atsangan' Andriamanitra ho ao amin'ny ankohonany amin'ny alalan'ny *fahaterahana ara-panahy* izy. Miditra ao amin'ny fanahintsika olombelona ny Fanahin'Andriamanitra, ka manome antsika fiainana ara-panahy.

Ao amin'ny JAONA 3:1-7 dia nisy lehilahy izay noheverin'ny Jiosy fa mpivavaka be, tsy nahalala izany fahamarinana izany. Nohazavain'i Jesosy taminy fa raha te-hahita ny Fanjakan'Andriamanitra izy dia tsy maintsy "ateraka indray". Nohazavain'i Jesosy taminy ny mba tsy hanafangaroany ny fahaterahana ara-batana (ateraky ny rano ao an-kibo), sy ny fahaterahana ara-panahy (ateraky ny Fanahin' Andriamanitra). Tsy maintsy mitranga io fahaterahana io alohan'ny hahafahany miditra ny Fanjakan'Andriamanitra. Dia notohizan'i Jesosy nolazaina taminy fa hitranga io fahaterahana ara-panahy io raha "mino" Azy i Nikodemosy (Jaona 3:16).

Ity fahaterahana ity akory tsy zavatra hitranga amin'ny ho avy. Fa mitranga amin'ny minitra izay inoan'ny olona iray an'i Jesosy amin'ny fony rehetra. 1JAONA 3:1-2 dia milaza amintsika fa miantso antsika ho "Zanany" Andriamanitra. Azo antoka fa tsy misy olona afaka misakana ny iantsoana an'Andriamanitra hoe "Ray". Fa izany hoe Andriamanitra miantso antsika ho "Zanany" izany, dia tena voninahitra sy zavatra tokony

hahafeno fisaorana. Tsy hoe Zanany fotsiny isika satria miantso tena ho izany, fa satria Izy no miteny fa Zanany isika.

Izany dia zavatra tsy takatry ny tontolo tsy mino. Tsy azon'izao tontolo izao izany hoe Jesosy dia Andriamanitra tonga nofo izany. I Satana izay andriamanitr'izao tontolo izao, dia manajamba ny mponin'izao tontolo izao. Noho izany, dia tsy tokony ho tafintohina isika, rehefa ihomehezan'izao tontolo izao.

Satria "ZANAK'ANDRIAMANITRA ISIKA IZAO", dia fahendrena ho antsika ny mitady hoe inona ireo tokony hataantsika sy ireo andraikitsika. Ho hitantsika izany amin'ny alalan'ny fankanesana ao amin'ny TENIN'Andriamanitra, dia ny Baiboly izany. Ny Fanahy Masina izay monina ao anatintsika (tadidio tonga ao anatin'ny fanahintsika olombelona Izy rehefa mandray an'i Kristy isika), dia hitarika antsika rehefa mianatra ny Teny isika. Hihady lalina kokoa ny amin'io lohahevitra io isika any amin'ny lesona hafa.

Zanak'Andriamanitra isika izao, fa tsy midika izany hoe lasa lavorary isika. Mbola mila mandeha amin'ny fitomboana ara-panahy maro isika. Raha mbola miaina eto amin'izao tontolo izao isika, dia mitoetra ho andraikitsika ny mitombo ara-panahy isan'andro. Satria isika mitombo, dia hotarihin'ny Fanahy Masina hanampy ny hafa eo amin'ny fitomboany. Indray andro dia hiverina amintsika ny Tompo Jesosy, ary hahita Azy amin'ny maha-Izy Azy tokoa isika. Amin'izay andro izay dia hovàna ao anatin'ny indray mipì-maso isika, ary ho tahaka Azy mihitsy. Mandra-pahatongan'izany, dia tsy maintsy mitombo ara-panahy foana isika.

### **III. TSY AN'IZAO TONTOLO IZAO INTSONY ISIKA**

Andeha hataantsika hoe mihevitra ny hifindra any an-toeran-kafa ianao. Hadalana ny manao fampiasana ny fanananao rehetra ao amin'ny toerana izay hialanao. Tsara kokoa ny mandrotsaka izany fampiasana fananana izany ao amin'ilay toerana vaovao, satria ao no iompanan'ny ho aviao.

Amin'ny maha-zanak'Andriamanitra antsika, ny tombontsoantsika sy ny zavatra manosika antsika hihetsika dia ho samihafa amin'izay toetran'izany talohan'ny nahaterahantsika indray. Izao tontolo izao sy ny fahafinaretana azontsika aminy no zavadehibe tamintsika taloha. Ankehitriny kosa, isika dia tokony ho liana amin'ny Fanjakan'ny Tomponsika. Ireto fahamarinana manaraka ireto dia maneho ny antony mahatonga ireo fahalianana amin'ny zava-panahy ireo ho lasa velona ao anatintsika:

1JAONA 2:17 dia mampianatra antsika fa ny zavatra ara-materialy dia ho foana tsy ho ela. Izao tontolo izao sy ny faniriana ara-nofo dia handalo. Mahatsapa isika fa ny hany haharitra mandrakizay dia izay hataantsika ho an'Andriamanitra ihany.

1 JAONA 2:15-16 dia milaza fa ny zavatr'izao tontolo izao dia tsy avy amin' Andriamanitra. Noho izany, ny fitiavana ny zavatr'izao tontolo izao dia fanilihana an'Andriamanitra. Ny adidintsika dia ny manafaka ny hafa amin'izao tontolo izao sy mitondra azy ireo eo amin'Andriamanitra, hahatonga azy ireo ho voavonjy.

JAKOBA 4:4 dia milaza fa tsy afaka mandeha amin'ny lalana roa samihafa isika. Ny finamanana amin'izao tontolo izao dia fandrafiana an'Andriamanitra.

MATIO 6:19-20 dia maneho fa ny fanangonan-karena eto an-tany dia fatiatoka. Mety hangalatra amintsika ny mpangalatra. Ary raha tsy manao izany izy ireo, dia hivadika ho vovoka tsy ho ela ireo harentsika ireo. Fahendrena kokoa ny manangona harena any an-danitra, izay sady tsy misy mpangalatra no maharitra mandrakizay ny zavatra any.

FILAPIANA 3:20-21 Talohan'ny naha-zanak'Andriamanitra antsika, dia nahatsapa "nahazo aina" tamin'izao tontolo izao isika. Fa niova izany ankehitriny. Tsy an'izao tontolo izao intsony isika. Sahan'adintsika io izao, izay iadiansika hahazoana fanahy sy hahazoan'Andriamanitsika ny haja sy ny voninahitra. Ny fanirantsika dia ny hiady araka ny azontsika atao ary hamotika an'i Satana sy ny miaramilan'ny anjely lavo, izay mitady hamotika ny olombelona sy ny voaharin'Andriamanitra.

Nampianatra Jesosy ao amin'ny JAONA 15:18-20 fa tsy ho tia antsika izao tontolo izao, satria isika tsy anisany ary efa tsy azy intsony. Fa Jesosy koa tsy tian'izao tontolo izao. Tonga teto amin'izao tontolo izao ny Tompontsika mba hamonjy antsika amin'i Satana sy ny fisarahana mandrakizay amin'Andriamanitra. Natolony hamonjy ny mpanota ny ainy. Najorony ny miaramilany (Ny Fiagonana) eto amin'izao tontolo izao, mba hanohy ny adidy hanitarana ny Fanjakany, amin'ny alalan'ny fitoriana Filazantsara amin'ny lehilahy vehivavy, zazalahy sy zazavavy tsirairay. Tsy takatr'izao tontolo izao izany. 1 KORINTIANA 2:14 dia manambara amintsika fa ny "olona araka ny nofo" (ny olona tsy nandray an'i Kristy) dia tsy afaka mahatakatra zava-panahy, satria fahadalana aminy izany.

Na dia tsy an'izao tontolo izao aza isika, dia mbola miaina eto amin'izao totntolo izao. Fotoana fohy ihany izany, na izany aza, satria indray andro any dia hiverina haka antsika hody any an-trano ny Tompontsika. Izany ny antony tsy maintsy iadiansika amin'i Satana amin'ny herintsika rehetra mandra-pahatongan'izany.

#### **IV. NY LANITRA NO TRANONTSIKA**

Tena ho zava-doza raha takiana ho andevon'olona ao anatin'ny dimy taona ianao. Fa aorian'ny faran'ny dimy taona, dia omena 20 Lavitrisa Ariary ianao. Angamba tsy raisinao ho zava-doza izany. Tsy heverinao ho fanandevalozana akory aza angamba izany. Toy izany koa ny andraikitsika eto an-tany, toa tsy inona akory raha jerentsika ny zavatra miandry antsika any an-danitra.

ROMANA 8:16-18 dia milaza amintsika fa amin'ny maha-zanak'Andriamanitra antsika, dia mpandova Azy isika. Raha atao teny hafa dia izay Azy dia antsika! Io koa dia milaza amintsika fa, tahaka ny nijalian'i Jesosy Tompontsika dia handalo ady sy fahoriania izay atsipin'izao tontolo izao eo amin'ny lalantsika koa isika. Nahoana? Satria ny ady ara-panahy ataontsika dia mbola tsy vita. Fa ny fiheverana ny Lanitra sy izay

raketin'izany ho antsika, dia mahatonga ny zavatra tsy maintsy entintsika eto an-tany ho toy ny kely sy tsy misy dikany.

Ny fahafantarana fa mpandova an'Andriamanitra isika, ary izay rehetra Azy dia antsika koa, angamba mety hampanontany tena antsika hoe, nahoana no ilaina ny handany fotoana lavabe eto an-tany hiaina fahasahiranana sy fanenjehana? Marina fa tokony tsy ho andrintsika ny handany ny mandrakizay miaraka amin'i Jesosy any andanitra. Fa misy zavatra anankiroa lehibe, antony tokony tsy hahandrasantsika ny handany ny fotoantsika eto an-tany.

Voalohany dia ity no hany toerana ahafahantsika mahita irika hanehoana amin' Andriamanitra ny tena haben'ny fitiavantsika Azy sy toerana isaorantsika Azy, noho izay rehetra nataony ho antsika. Rehefa tonga any an-danitra isika, dia ho tanteraka ny zavatra rehetra. Tsy misy ota na zavatra hafa afaka manodinkodina antsika hiala amin' Andriamanitra, ho ekena any. Ho tahaka an'i Jesosy isika, tanteraka amin'ny lafiny rehetra, ara-bakiteny. Eto an-tany eto no hany toerana hanehoantsika amin' Andriamanitra ny haben'ny fitiavantsika azy.

Ary amin'ny finoantsika (Hebreo 11:6) no hahazoantsika sitraka amin' Andriamanitra. Ny fanazarana ny finoana dia fomba iray hanehoantsika Aminy fa tia Azy isika.

Faharoa, eto an-tany no hanangonantsika harena any an-danitra. Ny 1 KORINTIANA 3:9-15 dia mandoko ny sarin'ny Kristiana amintsika, dia ny kamo sy ny mazoto miasa. Ho avy ny andro izay hizahana toetra ny asan'izy roa ireo amin'ny afo. Ny asa ratsin'ny Kristiana kamo, dia ho may. Ny asa tsaran'ny Kristiana mazoto niasa mafy dia handraisany valisoa. Ireo Kristiana kamo dia ho voavonjy, kanefa dia tsy banana valisoa na "harena miafina".

Ny antony hanompoana ny Tompo mikendry hahazo valisoa angamba toa heverina ho fitiavan-tena. Tokony hanaiky hiasa ho Azy isika noho Izy nahavita be tamintsika. Fa rehefa mandray ireo valisoa ireo isika, dia banana fahafahana mametraka azy ireny eo antongotr'i Jesosy ho fankasitrahana izay rehetra nataony ho antsika. Hisy ireo be valisoa ho averina Aminy, fa hisy koa ireo izay tsy banana valisoa.

Talohan'ny niverenany nankany an-danitra Jesosy dia niresaka toerana mahafinaritra izay ho amboariny ho antsika. Ao amin'ny JAONA 14:2-3 ny Tompontsika dia nilaza fa ho avy haka antsika hiaraka Aminy Izy. Ao amin'ny APOKALYPSY 21:9-22, ny apostoly Jaona dia manome fanazavana ny amin'ny tranontsika vaovao. Taorian'ny nisaintsainana izany, sy ny zava-mampitolagaga miandry antsika, na inona na inona harena atolotrizao tontolo izao antsika, dia lasa tsy manintonana izany.

## V. FAMINTINANA

Amin'ny maha-zanak' Andriamanitra, dia tsy maintsy manaiky ireo fahamarinana ireo amin'ny finoana tahaka ny tamintsika nanaiky an'i Jesosy tamin'ny finoana isika. Tokony hiaina ny fiainantsika, raha mbola ety an-tany, amin'ny fankatoavana ny Tompo

isika, maneho ny tsy fivadihantsika Aminy. Rehefa mahita irika isika dia haneho fisaorana sy fankasitrahana amin'ny alalan'ny fankatoavana.

## **KAHIE FANDRAISANA ZAVA-PANAHY**



**FIANARANA BAIBOLY:** (Andininy iray isan'andro)

1. Jakoba 1:18... Sitrapon'iza no nahatonga antsika ho teraka ao amin'ny ankohonan' Andriamanitra? Inona no fomba nampiasain'Andriamanitra hahatanteraka izany? Nahoana no zava-dehibe amintsika ny mizara ny Tenin'Andriamanitra amin'ny hafa?
2. 1 Korintiana 13:11... Raha vao teraka ao amin'ny ankohonan'Andriamanitra ianao, dia inona no tokony ho fitondrantenao ara-panahy? Tokony hanamelo-tena ve ianao fa tsy nahatakatra izay rehetra tokony ho fantatra rehetra mikasika ny zava-panahy? Ahoana no tokony hahatonga anao ho matotra ara-panahy?
3. Filipiana 3: 20-21... mizaka ny zom-pirenena inona isika? Inona no mitranga amin'ny tenantsika ara-batana rehefa tonga Jesosy haka antsika? Zom-pirenena avy aiza no fidianao kokoa? Nahoana?
4. Galatiana 4:1-7... Nahoana no tsy misy fahasamihafana mivaingana eo amin'ny zanaka sy ny andevo, rehefa mbola zaza ny zanaka? Tsy tokony mbola ho eo ambany fahefan'ny raiamandreniny ve ny zanaka mandra-pahalehibe azy, ka hahaizany mitantana ny lovany? Nahoana? Ampitahao ary soraty ny mahasamihafa ny fanompoan'ny andevo an' Andriamanitra sy ny fanompoan'ny Zanany Azy.
5. FAMERENANA...Ivereno ny naotinao tamin'ity herinandro ity dia soraty ny famintinana izay nianaranao tamin'ny ankapobeny.

**VAVAKA:** Soraty ny olona na zavatra izay nentinao am-bavaka androany.

**FIRAHALAHIANA:** Soraty ny anaran'ny mpino izay niarahanao, sy ny zavatra nataonareo.

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona sy ny fomba nanaovanao izany.

## AHOANA NY FITAZONANA KAHIE FANDRAISANA ZAVA-PANAHY:

1. Ohatra:

**DATY:** Soraty ny daty

**FIANARANA BAIBOLY:** Soraty ny andinin-tsoratra masina ho an'ny androany (andininy iray isan'andro ihany). Amin'ny andro fahadimy dia manaova famerenana.

1. Valio fanontaniana #1
2. Valio fanontaniana #2
3. Valio fanontaniana #3

**VAVAKA:** Soraty ny olona na zavatra izay nentinao am-bavaka androany.

**FIRAHALAHIANA:** Soraty ny anaran'ny mpino izay niarahanao, sy ny zavatra nataonareo.

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona sy ny fomba nanaovanao izany.

2. Manomboha manao KAHIE Fandraisana Zava-panahy ny ampitson'ny lesona, dingano ny Sabotsy sy ny Alahady. Raha nomena ny Zoma ny lesona, dia andraso mandra-pahatongan'ny Alatsinainy ny fanaovana ny KAHIE Fandraisana Zava-panahy.
3. Ny antony anaovana ny andinin-tsoratra masina iray isan'andro dia ny hampijoroana ny fahazarana mihaona amin'Andriamanitra isan'andro. Saintsaino ilay andinin-tsoratra masina. Ento am-bavaka izany. Avelao hilentika any an-tsainao sy ny fonao.

FANOVA-MPIANATRA LESONA FAHAROA:  
**INONA NO MITRANGA REHEFA MANDRAY AN'I KRISTY ISIKA?  
LASA FAHAVALON'I SATANA ISIKA**

**FAMPIDIRANA:** Raha miady sy miezaka hamely ny fahavalonao ianao, kanefa tsy afaka manakaiky azy satria tsara fiarovana izy, dia inona no hataonao mba hamelezana azy? Manaiky angamba ianao fa ny fihetsika ataonao manaraka dia ny hahatonga ny fahavalonao hanaintaina, amin'ny alalan'ny fanapotehana zavatra manan-danja aminy, zavatra akaikin'ny fony.

Izay no toerana misy an'i Satana. Tsy azony kasihina Andriamanitra, noho izany ny zavatra tsara indrindra nataony dia ny manao izay mankarariry Azy amin'ny fanafihana ireo Zanany.

Tamin'ny andro izay nandraisanao an'i Kristy ho Mpamony anao dia nankalaza izany tranga izany ny lanitra, fa ireo devolin'i Satana nangovitra nanaintaina sy namoy fo. Tsy azo isalasalana fa ny sasany tamin'izy ireny dia voatreronia mafy satria namela anao ho tonga tamin'ny fahalalana ny Fahamarinana. Andraikitr'izy *ireo* ny nanakana anao tsy hahalala an'i Jesosy sy ny Famelan-kelony.

Nanomboka tamin'ny nahatongavantsika ho zanak'Andriamanitra, dia niova ny paik'adin'ny fahavalo. Ny andraikiny, amin'izao fotoana izao, dia ny misakana antsika amin'ny fitomboana ara-panahy, amin'ny fitazonana antsika hifatotra na sahirana amin'ny zavatr'izao tontolo izao. Ny antony anaovany izany dia mba hitazonana antsika tsy hitombo ka ho lasa mpianfika, sy tsy anehoantsika amin'ny hafa ny fomba ahitana fahafahana amin'ny vahoho ratsin'izy ireo. Hataony izay azony atao rehetra hanapotehana ny fijoroantsika vavolombelona, mba hahatonga antsika ho sakana, raha tokony ho fitahiana noho ny amin'ny Tompo isika.

**I. FAHAVALON'NY RAINTSIKA I SATANA**

Satana akory tsy ilay vondrona ratsy fantatsika. Tamin'ny niandohana dia anjely izy - anjely tsara endrika indrindra tany an-danitra. Nitazona ny mari-boninahitra ambony indrindra tao amin'ny miaramilan'ny lanitra izy. Fa ISAIA 14:12-15 dia milaza amintsika fa i Satana dia tsy afa-po tamin'ny mari-boninahiny, ary nampiasainy izany toerana nisy azy izany niezahana nanandratratan- tena ho tahaka an'Andriamanitra Mpamorona.

APOKALYPSE 12: 7-9 dia manazava ny propagandy politika natombok'i Satana tany an-danitra. Vitany ny nandresy lahatra ny ampahatelon'ny anjely hirotsaka ao amin'ny tafiny (JODA 6). Vokatry ny fikomiany dia nomena toro-lalana i Mikaela Arkanjely handroaka azy sy ny miaramilany hiala tany an-danitra. I Mikaela sy ny antokon'anjelinny dia nahavita ny andraikiny, handroaka an'i Satana sy ny mpanara-dia azy ho ety an-tany.

Tao izy no nampijoro faingana ny foibeny, ka dia lasa seha-piasàny ny tany.

Ny devoly dia tsy afaka haka ny sezafiandrianan'Andriamanitra, koa dia nokendreny tao am-pony ny hamotika izay rehetra noforonin' Andriamanitra. Nidina tety an-tany niaraka tamin'ny fankahalana lehibe izy, nahatsapa fa voaisa ny androny. Nankahalainy Andriamanitra fa tsy azony akekezina. Nandany ny fotoany tety izy, nitsiriritra izay rehetra akaikin'ny fon'Andriamanitra.

## **II. TE-HANKARARY FO NY RAY I SATANA, AMIN'NY FANAOVANA RATSY AMIN'IREO ZANANY**

Isika no zava-boarin'Andriamanitra misy sandany indrindra. Ny zavatra rehetra eto ambonin'ny tany dia tsy ho hita intsony indray andro any. Fa misy zavatra mahasamihafa ny olombelona. Manana fanahy izy. Ny fanahin'ny olona dia maharitra mandrakizay. (Hianatra mikasika izay isika any amin'ny lesona hafa). Ny anton'izany dia satria manokana amin'Andriamanitra ny olombelona, ka izany no iezahan'i Satana hamitahaha azy, ary anaovany izay handehanan'ny fanahiny any amin'ny helo mandrakizay.

Na eo aza izany rehetra izany, dia aoka ho fantatrao fa tsy liana aminao i Satana. Ny hany antony andrafiany anao dia satria te-handratra ny fon'Andriamanitra izy. Vonona hanome anao an'izao tontolo izao i Satana mba hanakanana anao tsy hanompo an'Andriamanitra. Manaiky hatramin'ny hanisy soa anao aza izy, raha toa ka miasa hahatanteraka ireo zava-kendreny izany, ary mazava tsara, fa hankarary fo ny Raintsika izay any an-danitra izany.

Efa voavonjy ianao. Noho izany dia tsy afaka mandefa ny fanahinao any an-danitra i Satana. An'Andriamanitra ny fanahinao satria ianao nanaiky ny Zanany ho Mpamonjinao. TSY MISY afaka manaisotra ny fanahinao hiala amin'Andriamanitra! Mba hahafahana manao izany, dia tsy maintsy mahery kokoa noho Andriamanitra izy. *Azo antoka fa maivana ny herin'i Satana.*

Na izany aza, dia azony ampiasaina ianao hanavesatra ny hafa, tsy hanatonany an'Andriamanitra handray ny famonjena. Rehefa mamela ny tenanao ho ampiasain'i Satana ianao, dia mamadika an'Andriamanitra sy ny faniriany hiasa amin'ny alalanao hanapariaka ny planin'ny Famonjeny. Izany dia fandresena ho an'i Satana, ary azonao an-tsaina fa maneso an'Andriamanitra izy rehefa mahita lalana eo amin'ny fiainanao. Indray andro, na izany aza, dia hanao araka ny Lalany Andriamanitra, dia ho potika i Satana.

**FAMINTINANA:** Zava-dehibe ny mahatsapa fa noho ny maha-zanak' Andriamanitra anao, dia fahavalon'i Satana ianao. Raha fahavalon'ny Rainao i Satana, dia fahavalonao koa. Tokony ho fantatrao izany fahamarinana izany. Raha ataonao vazivazy izany, dia hanenenanao, satria i Satana hampiasa anao amin'ny androm-piaainanao sisa eto an-tany, ho sakana amin'ny fandrosoan'ny Fanjakan'i Kristy.

Mba hahombiazana amin'ny ady atao amin'ny fahavalo, dia mila fifehezantena ara-panahy ianao. Ny fomba iray hahavitanao izany dia ny fitazonanao ny KAHIE Fandraisana zava-panahy. Ny fanaovanao ny devoara ao amin'ny KAHIE fandraisanao naoty dia hitazona anao ho mpandray anjara amin'ny ady ara-panahy, izay mitranga manodidina anao.

## **KAHIE FANDRAISANA ZAVA-PANAHY**



### **FIANARANA BAIBOLY** (Andininy iray isan'andro)

1. Matio 4:1:11...Iza no nalain'ny devoly fanahy ao amin'ireto andinin-tsoratra masina ireto? Impiry, inona avy ireo fomba samihafa nakan'ny devoly fanahy an'i Jesosy? Inona no nampiasain'i Jesosy handresena ny devoly?
2. Lioka 8:4-15... Ato amin'ity fanoharana ity, inona no voa nafafin'ny mpamafy? Iza no miezaka manala ny voa avy ao am-pon'ny olona samihafa? Ahoana no fomba ezahan'ny devoly hanaovana izany?
3. Jakoba 4:7...Iza no tokony eken'ny olona mba hampandositra ny devoly? Inona no dikan'ny hoe "Manohitra ny devoly"? Mandositra zanak' Andriamanitra tsy mankató ve ny devoly?
4. Efesiana 6:11... Inona no tokony tafian'ny Kristiana mba hiarovany tena amin'ny fanafihan'i Satana? Inona no ilàna ny fiakandoana ny fitafiana REHETRA? Inona avy ireo fiadian'Andriamanitra isan-karazany ireo?
5. FAMERENANA... Avereno avokoa ireo Soratra Masina novakiana tamin'ity herinandro ity, dia soraty izay rehetra nianaranao tamin'izy ireo, amin'ny ankapobeny.

**VAVAKA:** Soraty ireo olona na zavatra nentinao am-bavaka androany.

**FIRAHALAHIANA:** Soraty ny anaran'ireo mpino niarahanao sy ny zavatra nataonareo

**FIJOROANA VAVOLOMBELONA:** Soraty ny anaran'ireo tsy mpino nijoroanao vavolombelona sy ny fomba nanaovanao izany.

FANAOVAM-PIANATRA LESONA FAHATELO:  
**INONA NO MITRANGA REHEFA MANDRAY AN'I KRISTY ISIKA?**  
**MAHAZO NATIORA ROA SOSONA ISIKA**

**FAMPIDIRANA:**

Isika rehetra dia mahalala ny fomba fanamelohan'izao tontolo izao ny Kristiana ho mphiatsaravelatsihy. Tena marina izany amin'ny Kristiana maro, fa tsy tokony ho izany. Tsy hiezaka hanala tsiny izany zava-misy izany isika. Fa azontsika atao ny mahatakatra ny ady anaty eo amin'ny hoe hanahaka an'izao tontolo izao sy ny hanahaka an'i Jesosy. Ny fahazoantsika izany no hahafahantsika mametraka ny maodely takian'Andriamanitra amintsika.

Amin'ity lesona androany ity, dia maniry ny handini-tena isika, ary hamakafaka ny firafitsika ara-batana sy ara-panahy. Ilaina izany mba hahafahantsika manao ny fiovàna ilaina, mba hahatonga antsika ho ilay tian'Andriamanitra ho toetsika. Ho fantatsika fa na dia "olom-baovao" ao amin'i Kristy aza isika, dia mbola tsy verintsika ilay natiorantsika ara-nofo. Koa vokatr'izany dia tafiditra ao anaty ady eo amin'ireo natiora roa ireo isika mandritry ny androm-pianantsika.

**I. TENA, AINA, ARY FANAHY ISIKA**

Aina manana vatana sy fanahy ianao. Ny ainao dia fitambaran'ny saina ny sitrapo ary ny fihetseham-po. Ny *aina no tena maha ianao anao*. Fony mbola kely ianao dia tsy mahay manavaka ny tsara sy ny ratsy. Fa farany, dia tonga amin'ny fotoana eo amin'ny fiainanao ianao, izay ara-pahalalana (saina), dia azonao ny maha-samihafa ny tsara sy ny ratsy, ary amin'ny nahim-ponao (sitrapo), dia mifidy ny hanao ny tsy mety ianao. Izay dia zavatra miteraka ady ao anatinao (fihetseham-po), satria ianao mahalala fa tsy tokony hanao ny tsy mety, fa nisafidy ny hanao ny tsy mety ihany. Lasa meloka sy tompon'antoka amin'ny otanao ianao. Apetraky ny Baiboly tsara mihitsy ao amin'ny EZEKIELA 18:4, fa "...ny fanahy izay manota no ho faty." Amin'izay fotoana izay ianao dia tafasaraka amin'Andriamanitra ary voaheloka hijaly mandrakizay any amin'ny helo.

Manana vatana sy fanahy ny ainao. Na dia voaheloka ho any amin'ny helo mandrakizay aza ny fanahinao, tafasaraka amin' Andriamanitra amin'ny fotoana nandehananao nanohitra Azy, noho ny fitiavany, dia nanao lalana ho anao Andriamanitra, mba hahafahanao amin'izany didim-pitsarana rariny izany. Nirahiny ny Zananilahy, dia Jesosy izany, handoa ny vokatry ny otantsika.

Rehefa miaky ianao (saina) fa nanota tamin'Andriamanitra, nanenina ny amin'izay nataonao, (fihetseham-po) ary nifidy(sitrapo) ny hiamboho ny otanao, mangataka famelan-keloka amin'Andriamanitra, ka mandray an'i Jesosy ho Tomponao sy Mpamonjy anao. Dia maniraka ny Fanahiny Masina Andriamanitra amin'izay ho ao amin'ny fanahy maha-olona anao, ka manome anao ny fiainana mandrakizay. Maka toerana ao ny Fanahin' Andriamanitra, ary tsy miala ao mihitsy, satria izao ny fanahinao

dia Azy. Izay no antony mahatonga anao afaka milaza hoe “voavonjy ny aiko”, na hoe “teraka indray aho” satria, tamin’ny “alalan’ny Fanahin’ Andriamanitra”, dia teraka arapanahy ao amin’ny ankohonan’ Andriamanitra ianao. Zanany ianao ankehitriny. Ary izany rehetra izany, (araka ny efa nianarantsika), dia teraka noho ianao nanaiky an’i Jesosy ho Mpamony.

Ny ainao sy ny fanahinao no isan’ny tenanao izay voavonjy. Tokony ho fantatrao fa ny fahaterahanao ara-panahy dia avy amin’ Andriamanitra. Masina sy maharitra izany. Ny isan’ny maha-ianaao anao izay naterak Andriamanitra dia tsy afaka manota. Nahoana? Satria nateraky ny “voan’ Andriamanitra”, ary TSY afaka manota. Izany fahamarinana izany dia voazava ao amin’ny 1 JAONA 3:9

## **II. VOARY VAOVAO ISIKA, KANEFA MBOLA MANANA NY NATIORA-NA NOFO**

Na dia tsy afaka manota ara-panahy aza isika, (aorian’ny nandraisantsika an’i Kristy ho mpamony), dia mety manota ara-batana, satria mbola ao ilay natiora ara-nofo, rehefa mandray an’i Kristy. Nohazavain’ny Apostoly Paoly io zava-marina io ao amin’ny ROMANA 7:14-25 izay nampianarany fa na dia tao amin’ny “olona anaty” (fanahy) aza, te-hanompo an’Andriamanitra izy, dia nahita lalana hafa ao amin’ny rantsan’ny tenany, izay miady amin’ny “lalan’ny sainy” (ainy). Dia avy eo napetrany hoe “mahita lalana hafa amin’ny momban’ny tenako aho (vatana), miady amin’ny lalan’ny saiko (saina), ka mamabo ahy ho an’ny lalan’ny ota izay ao amin’ny momba ny tenako”.

Zava-dehibe ny hahatakaranao ny fahasamihafana misongadina eo amin’ny olona vatana sy ny natiora ara-panahy. Ny tsy fahatakarana ny fahasamihafan’ireo roa ireo dia mety hahatonga ny ara-panahintsika ho resin’ny ara-batana na ny toetra ara-nofo. Araka ny napetrak’i Jesosy ao amin’ny JAONA 3:6 dia tsy mifangaro ireo roa ireo. Amin’ny toerana misy ny mpino dia tsy maintsy mifandefitra ireo natiora roa ireo.

## **III. NY ADY EO AMIN’NY VATANA SY NY FANAHY**

GALATIANA 5:17 dia mampianatra fa ny fanirian’ny nofo (vatana) sy ny fanirian’ny Fanahy (Izay monina ao amin’ny fanahin’ny olombelona) dia hiady mandrakariva, ka hahatonga anao (aina) hiady mba hanaovanao izay mety.

Ny hany fomba tokana handresenao ao amin’ny ady, dia ny fampanekenoa ny iray amin’ny natioranao amin’ny anakiray. Ny ankamaroan’ny kristiana ankehitriny dia miompana betsaka amin’ny natiora nofo satria mora atao izany. Fa misy vidiny tsy maintsy aloa amin’ny fandehanana manohitra ny sitrapon’ Andriamanitra, ary ireo izay manao izany matetika dia mahantre fadiranovana. Ny tokony ataonao dia ny mampanaiky ny natioran’ny nofonao hanaiky ny sitrapon’ny Fanahy ao anatinao, araka ny ampianarina ao amin’ny GALATIANA 5:16. Ary na dia mandalo ady anaty henjana aza ianao, dia mbola hahita fiadanana sy fahafaham-po amin’ny fahavitanao ny sitrapon’ Andriamanitra ihany, dia ho faly ianao satria nataon’ Andriamanitra ho amin’izany zava-kendrena izany.

Mba hahatanterehana izany fandresena izany dia misy fiadiana izay ilaina ampiasaina. Hianarantsika amin'ny lesona any aoriana izany.

Rahoviana no ho tapitra ity ady ity? Hifarana izany rehefa maty ianao, na amin'ny andro hahatongavan'i Jesosy haka antsika. Raha mbola manana vatana koa ianao, dia hanao ady amin'ny ainao (saina, sitrapo, ary fihetsehampo foana i Satana) mba hisakanana anao "tsy hahazo faritra vaovao" na hanitatra ny Filazantsara ho an'ny Tompontsika, dia Jesosy Kristy izany. Ao anatin'izany fotoana izany, ny Fanahy Masina dia hampahatanjaka ny olona anaty ary hitarika anao avy amin'ny voninahitra mankamin'ny voninahitra.

**FAMINTINANA.** Misy fotoana eo amin'ny fiainantsika hanaovantsika zavatra izay tsy tokony ataontsika; na ahatsapana zavatra tsy tokony ho tsapantsika. Amin'ireny fotoana ireny i Satana izay rain'ny lainga, no mankeo amintsika ary mamboly eritreritra fa tsy zanak'Andriamanitra intsony isika, satria nanao diso na nisaina diso. Ary amin'ireny fotoana ireny no tokony hahatsiarovantsika fa manana natiora roa isika. Tsy maintsy tenenintsika i Satana haka ny laingany ho any an-toeran-kafa, ary mangataka ny Raintsika isika hamela heloka antsika rehefa nanao hadisoana isika; dia manapa-kevitra ny hampanaiky ny fanirian'nynofontsika amin'ny fitarihan'ny Fanahy isika. Rehefa mianatra manao izany isika, dia lasa matanjaka ara-panahy ary manomboka miaina fiainan'ny tena mpianatr'i Jesosy Kristy marina.

## **KAHIE FANDRAISANA ZAVA-PANAHY**



### **FIANARANA BAIBOLY** (Andininy iray isan'andro)

1. Romana 8:5-9... Inona no eritreretin'ny natioran'ny ota? Nahoana ny olona izay misaina araka ny natioran'ny nofo no tsy ankasitrahant' Andriamanitra? Amin'ny natiora inona no tokony iainan'ny zanak' Andriamanitra?
2. Romana 13:11-14... Inona no tian'ny Baiboly lazaina rehefa manao hoe "mifoha amin'ny torimaso"? Ao amin'ny andininy 12, amin'inona no ampitahan'i Paoly ny nofo sy ny fanahy? Ahoana no fanomezantsika vahana ny fanirian'ny natioran'ny otantsika?
3. Kolosiana 3: 1-17... Ao amin'iza no miafina ny fiainantsika? Ahoana no fomba anesorana ny "olona taloha" sy itafiana ny "olona vaovao"?
4. Efesiana 4:22-32... Nahoana ny Kristiana no tokony ho te-hanaisotra ny "olona taloha"? Ahoana no tokony ho toetsika mikasika ny "olona taloha" (ny toetry ny otantsika)? Karazan-javatra inona no tsy tokony hataon'ny zanak' Andriamanitra intsony?
5. FAMERENANA: Ivereno ireo andinin-tsoratra masina nianarana tamin'ity herinandro ity, dia soraty izay nianaranao tamin'izy ireo.

**VAVAKA:** Soraty ny olona na zavatra nentinao am-bavaka androany.

**FIRAHALAHIANA:** Soraty ny anaran'ny mpino nifandray taminao sy ny zavatra nataonareo.

**FIJOROANA VAVOLOMBELONA:** Soraty ny anaran'ny olona tsy mpino nijoroanao vavolombelona sy ny fomba nanaovanao izany.

FANAOVAM-PIANATRA LESONA FAHEFATRA:  
**FOMBA FIJERY VAOVAO**  
**IREO SINGA ILAINA MAHATONGA FITOMBOANA**

**FAMPIDIRANA:** Isika rehetra mahalala fa raha tantsika ny ho salama, dia tsy maintsy misy fitsipi-piainana sasantsasany arahina. Tsy maintsy fidiana izay zavatra hohanina, ary manao fanatanjahantena tsara maro. Raha manao tsirambina ny iray amin'ireo isika, dia mihoatran'ny manao tsirambina ny fitomboantsika ara-batana.

Ny Kristiana vaovao koa dia mila mitandrina, raha tiany ny hitombo sy ho tonga mpiady ho an'ny Tompo. Tahaka ny vatantsika ara-nofo ihany dia misy zavatra, na manampy, na mampihisatra ny fitomboana ara-panahy.

Amin'ny lesontsika androany dia hijery fahamarinana ara-panahy izay hanampy antsika hahatakatra ny fandrosoana ara-panahy isika. Amin'izay isika dia afaka manao dingana mahomby, ho amin'izany fiainana salama amin'ny maha-mpianatry ny Tompo izany. Amin'izay isika dia ho tonga maodely tsara ho an'ny hafa.

EFESIANA 4:22-24 dia miresaka ny fizotry ny fitomboana ara-panahy. Tsy afaka mijery, na mihevitra zavatra toy ny fanaontsika fony tsy mbola mpino isika. Isan'andro dia mila mizotra amin'ny:

(1) “manaisotra ny olona taloha”, (2) miova amin’ny fihavaozana ara-tsaina, ary (3) “mitafy ny olona vaovao” isika. Arakaraky ny fizarantsika ireo fizotry ny fiainana ireo no hahitantsika vokatra mahomby tsy ho ela, ka hahalalantsika fa nitombo ara-panahy isika.

Tokony ho fantatsika fa na dia mbola zaza aza isika izao, (amin'ny lafiny ara-panahy), dia hitsahatra tsy ho zaza tsy ho ela, satria hampiharintsika ireo singa mahatonga fitomboana, mba hahatonga antsika hitombo, ho mpianatra Maherin'ny Tomponsika.

### I. TSY MAINTSY MITOMBO NY ZAZA

Na firy taona ianao na firy taona, rehefa mandray an'i Kristy ho Mpamorinao ianao dia *teraka indray*. Mbola zaza fotsiny ianao amin'ny zavatra ara-panahy. Ny tena izy, ny zavatra tena fantatrao dia voavonjy ianao satria nibebaka tamin'ny otanao sy nanaiky an'i Jesosy.

Ao amin'ny KORINTIANA 13:11 ny Apostoly Paoly dia nanazava fa raha mbola zaza ny olona, dia miteny sy misaina toy ny zaza. Ara-dalàna ny fametrahanao fanontaniana mikasika ny fiainanao vaovao ao amin'i Kristy. Amin'ireo rahalahinao sy anabavinao zokiny - ireo izay voavonjy talohanao, dia ohatran'ny an-jaza ny sasany amin'ireo fanontaniana. Fa aza avela hanakivy anao izany. Na hahatonga anao tsy hametraka fanontaniana intsony; raha izany dia manjary mitsahatra tsy mitombo isika.

Zavatra iray no azontsika antoka: *tsy misy hitsin-dalana ny fitomboana Kristiana*. Tsy afaka ny hisy izany hoe hatory hiondana Baiboly ianao dia hifoha lasa “kalazalahy

ara-panahy". Na i Jesosy aza dia nila nitombo ara-batana, saina, fanahy. Tsy nisy hitsindalana azony natao, tsy misy azonao atao koa. Raha hitombo ianao, da mila miezaka mandroso, mitandrina tsara eny an-dalana.

Zava-dehibe ny hahatakaranao izany, fa amin'ny maha-mpino vaovao anao dia io no vanim-potoana mora semban-drahona indrindra amin'ny fiainana Kristiana. Voafetra ny fahalalanao ny zava-panahy, ary sarotra aminao ny hiaro tena amin'ny hevi-petsy sy ny fanafihan'i Satana. *Fa tsy ilaozan'ny Tompo akory ianao*. Nataony ao amin'ny fiainanao ny Fanahiny Masina hitarika sy hiaro anao. Fanampin'izany, ny fahafahana manampy anao dia mipetraka eo an-tsoroky ny rahalahy sy anabavy ao amin'ny finoana.

Maro amin'izy ireny no tsy nanaiky ity andraikitra ity satria tsy nisy olona nahatsapa ho tompon'andraikitra tamin'ny fitomboany. Na dia toa tsy tsapany aza fa andraikiny io, dia tsy manova ny marina izany. MATIO 28:19 dia mazava tsara fa andraikitsika ny manao ny *firenena rehetra* ho mpianatra, manao batisa azy ireo sy mampianatra azy izay rehetra nandidian'ny Tompontsika.

Raha tsy misy olona manaiky hanao anao ho mpianatra, dia mety manao izay hitomboanao ao amin'ny Tompo irery ianao. Afaka ny hataonao izany raha mankató izay fitarihan'ny Fanahy Masina ianao. Satria ianao manaiky ny fitarihan'ny Fanahy Masina, dia mila mitandrina tsara ny amin'ny fahavalonao ianao, dia ny devoly izany. Tsy hiandry fotsiny akory Satana mandra-pianatrao hiaro tena. Hanafika anao izy ary hanomboka izany, raha vao manomboka mandray ny famonjena ianao, raha mbola Kristiana zaza ianao.

Rehefa manafika anao i Satana dia manao planina tsara hevitra anaovany izany. Tsy tonga tahaka ny fahavalonao izy fa toy ny "anjelin'ny mazava". Hilaza marina tapatapany sy lainga tapatapany izy, mba hamitahana anao ka hampidirana anao ao anaty fandrika. Satria ianao mandroso ao amin'ny dian-tongotr'i Jesosy, dia tsy maintsy mitandrina amin'ny alalan'ny fihainoana izay lazain'ny Fanahy aminao.

## II. MIANATRA MANDEHA

Rehefa mianatra mandeha ny zaza, dia matahotra izy satria zava-baovao aminy izany. Vao mainka izy matahotra aorian'ny fianjeràny. Amin'ny maha-Kristiana vaovao anao dia ny "mandady" ihany no hainao. Fa satria ianao mihamatotra hatrany, dia lasa afaka "mandeha" sy "mihazakazaka" aza.

Amin'ny maha-mpino vaovao miana-mandeha anao, dia misy zavatra roa izay azonao ifikirana: Ny Baiboly sy ny Fanahy Masina sarobidin'Andriamanitra. Ilaina izy ireo satria i Satana dia eo akaikikaikinao eo foana, manao izay fomba rehetra hamitahana anao.

Satria ny fiangonana miezaka ny hitombo, dia tsy azon'i Satana iadiana avy aty ivelany izy, fa avy amin'ny ao anatiny. Raha atao amin'ny teny hafa, dia mitsofoka ao am-piangonana izy. Izany no mahatonga ny hoe marobe fikambanana amin'izao fotoana izao no milaza ho Kristiana, fa ny fanaony dia mifanohitra amin'ny fanaon'ny fivavahana Kristiana. Midradradradra ho Kristiana ireo fikambanana ireo ary ny ankamaroany dia

manana mpitarika mahay sy mafana fo. Izay no mahatonga ny 2 KORINTIANA 13:11 milaza hoe tokony hitandrina isika satria, na dia toa tsara sy malaza aza izy ireo, dia apostoly sandoka, izay mety hitondra anao hivily raha avelanao. Ahoana no hahafahana milaza na tena izy ireo na sandoka? *Amin'ny fandanjalanjana ny fiainany amin'ny Baiboly*. Raha tsy araka ny Soratra Masina ny fampianarany, dia mpampianatra sandoka izy izay, ary tsy tokony hohenoinao. Tadidio fa olona manan-tsaina izy ireo ary hamahana anao amin'ny tapa-pahamarinana mba hamiliy anao. 2 TIMOTY 4:3-4 dia mampianatra antsika fa hisy fotoana izay tsy ampianaran'ny mpampianatra sandoka afatsy izay tian'ny olona horenesina. Efa izany izao fotoana izao.

2 PETERA 3:16 dia maneho amintsika fa misy foto-pampianarana vitsivitsy ao amin'ny Baiboly izay sarotra hazavaina sy takarina. Dia vokatr'izay dia misy foana olona izay manaiky hanolana ireny foto-pampianarana ireny, ary mandika azy ho araka izay tadiaviny. Mila mitandrina fatratra ianao mba tsy hanao toy izany. Amin'ny mahampianatr'i Jesosy anao, dia andraikitrao ny manao izay hahazoana antoka fa ny zavapanahy nianaranao dia mifototra amin'ny Tenin'Andriamanitra. Izay ihany no fomba tokana hanananao antoka fa mandeha amin'ny lalana tian'Andriamanitra izoranao ianao.

Arakaraky ny ianaranao ny Tenin'Andriamanitra, no anampian'ny Fanahy Masina anao hahatakatra izay vakianao, ary hametraka eo aminao ny filanao hanova zavatra eo amin'ny fiainanao, mba hampitombo anao. JAONA 14:26 dia manazava fa ny Fanahy Masina dia nirahin'ny Ray hampianatra antsika sy hampahatsiaro antsika ny fampianaran'i Jesosy. Hitarika antsika amin'ireo singa tokony ho fantatra, afaka hampitombo sy hampahatanjaka antsika amin'ny zava-panahy.

### III. NY FOMBA ITOMBOANA

Mba hahatonga anao hitombo dia tsy maintsy mametraka ny tenanao eo amin'ny toerana miavaka, misy fandrindram-pisakafoana mirafitra ao anaty singa efatra ianao: (1) Fianarana Baiboly, (2) Vavaka, (3) Firalahahiana, ary (4) Fijoroana Vavolombelona (1) Ny *Fianarana Baiboly* dia zava-manan-danja satria io ihany no fomba ianaranao mikasika ny Tompontsika sy izay andrasany aminao mpianany. Ny Baiboly no "boky" iananao. Ao anatiny no hahitanao ireo dingana ilaina arahinao mba hahafahanao miaina ny fomba tian'ny Rainao iananao. 2 TIMOTY 3:16 dia milaza amintsika fa ny Baiboly dia nomen'ny tsindrimandrin'Andriamanitra, ary natao hampahalalana antsika, mba hahatonga antsika ho voaomana feno, hanompo an'Andriamanitra.

Eo am-pianarana mandeha ianao, dia zara raha manao hadisoana na "lavo" amin'ny fahalalana ny Soratra Masina. Ao amin'ny MATIO 22:29 Jesosy dia nihaona tamin'ireo Fariseo tamin'ny vanin'androny, izay nilazany tamin'izy ireo fa ny antony mahatonga azireo manao hadisoana dia satria izy ireo tsy mahalala izay ampianarin'ny Baiboly.

(1) Ny *vavaka* dia manan-danja satria izany no fomba ifandraisantsika amin' Andriamanitra. Isika rehetra dia mahalala ny fomba hanorenana fifandraisana

aman'olona dia ny fifandraisana tsara amin'izy ireny. Toy izany koa, ny fomba hananana fifandraisana matanjaka amin'ny Tompontsika dia ny fifandraisana Aminy.

Io fifandraisana io dia tsy tokony hiovaova. 1 TESALONIANA 5:17 dia milaza amintsika mba hivavaka tsy hitsahatra. Ny sainao dia tokony hifandray amin' Andriamanitra mandrakariva, misaotra Azy, mangataka ny Fanampiany, ary mankató Azy. Tadidio, fa raha misy ota fanao eo amin'ny fiainanao, dia misy vesatra eo amin'ny vavakao. Mila miezaka mitahiry ny fiainanao ho madio araka izay azo atao ianao. Rehefa manao hadisoana ianao, dia tokony hiaiky izany ary mangataka ny famelan-kelok' Andriamanitra, mba tsy hahatonga izany hanavesatra ny vavakao.

(2) Ny *Firahalahiana* miaraka amin'ireo mpino hafa dia zava-dehibe satria tahaka anao koa, manana natiora ara-panahy izy ireo, zavatra izay itovizanao aminy. Tsy misy olona afaka mahalala anao sy mahatakatra ny zava-misy eo amin'ny fiainanao, mihoatra noho ireo rahalahy na anabavinao ao amin'i Kristy ireo.

GALATIANA 6:1-10 dia manome torohevitra tsara mikasika ny firahalahiana amin'ny mpino hafa:

-Mampianatra izany fa ilainao ny manampy ireo rahalahy sy anabavy izay lavo tamin'ny ota. Fa rehefa manao izany ianao dia mitandrema mba tsy ho lavo amin'izany koa.

-Tokony hanampy ny mpino hafa amin'ny enta-mavesany. Ny fanaovanao izany dia mampandroso ny fanjakan'i Kristy.

-Tsy tokony hahatsiaro mahaleo tena na tsy mila ny fanampian'ny hafa ianao. Raha manao izany ianao dia manadala tena.

-Aza mandanja ny ara-panahinao amin'ny fampitahana tena amin'ny hafa. Ny fomba tokana tokony hampitanao ny tenanao dia ny fampitanao ny tenanao amin'ny andraikitra asain'Andriamanitra ataonao. Raha nankató ianao, ka nahavita ny asa nampanao vina anao, dia hahatsiaro sambatra amin'ny fanaovanao ny andraikitrao, ka tsy mila mampitaha ny fiainanao amin'ny hafa.

- Mila mizara ny fitahiana amin'izay mampianatra zava-panahy anao ianao. Tsara amin'ireo izay manao anao ho mpianatra ny mahalala fa namokatra ny asany, ary izany "vokatra" izany dia nateraky ny fampianarany mivantana na an-kolaka. Hampahery azy amin'ny asany izany.

- Izay manao asa fanompoana ho an'Andriamanitra, mba ho hita na ho fantatry ny hafa, dia manao izany hampifantoka ny olona amin'ny tenany fotsiny, fa tsy hahazoana zava-panahy. Tsy afaka manadala an'Andriamanitra izy ireo. Ireo izay manao firahalahiana amin'ny tanjona ara-panahy, dia hahazo fitahiana tombontsoa ara-panahy.

- Ny tombontsoa amin'ny asa soa ataonao dia tsy voatery ho tonga eo no eo. Indraindray dia an-taonany maro ianao vao mahita ny vokatry ny asa ataonao ho an'ny Tompo. Tsy tokony ho kivy mihitsy ianao na hitsoaka an-daharana satria ho avy ny vokatry ny fisasaranao. Tokony hanohy hanao soa foana ianao, satria fantatrapa fa ny "vokatry" ny fisasaranao dia hojinjainao indray andro any. Ary rehefa tonga izany dia ho voatahy betsaka tokoa ianao.

- Tokony hanao soa amin'ny hafa mandrakariva ianao, indrindra fa rehefa omena ìrika hanaovana izany. Marina izany, indrindra indrindra fa amin'ireo "Ankohonana ao amin'ny finoana". Na dia tokony hanao soa amin'ny olona rehetra aza ianao, ny laharam-pahamehana dia amin'ireo ankohonanao ara-panahy.

(4) Zava-dehibe ny fijoroana vavolombelona, satria ny fijoroanao vavolombelona no hany zavatra eto an-tany hitan'ny olona fa itovizanao amin'i Kristy. Amin'ny alalan' izany no hahitany ny maha-samihafa ny fiainanao amin'ny azy. Raha tsy madio ny fiainanao, dia tsy hahita fahasamihafana izy, ka tsy ho azony ny antony ilàny an'i Jesosy.

Ao amin'ny MATIO 5:16 Jesosy dia milaza fa ny fiainantsika dia tokony hazava eo anoloan'ny olona, mba hahatonga azireo hanome voninahitra an'Andriamanitra. Rehefa mijery anao ny olona, dia tokony hahita ny fiovàna nentin'i Jesosy teo amin'ny fiainanao ary tiany ny hahazo izany zavatra izany eo amin'ny fiainany. TITOSY 2:7-8 dia milaza fa tokony ho maodely tsara amin'ny zavatra rehetra isika amin'izay ataontsika. Tsy tokony hanome ìrika izao tontolo izao hiteny ratsy antsika isika.

KOLOSIANA 3:23 dia milaza fa tokony hanao ny zavatra rehetra "amin'ny fo manontolo" isika, tahaka ny atao ho an'Andriamanitra fa tsy ho an'olona. Izany hoe, na inona na inona ataonao, dia tokony ataonao amin'izay tsara araka ny azonao atao, tahaka ny hoe izay ataonao dia ataonao ho an'ny Tompo. Raha izany fitsipika izany no iainanao, dia hametraka maodely tsara azon'ny hafa arahina ianao.

**FAMINTINANA:** Taddio fa misy fifandanjana foana ireo singa efatra ireo. Ny zavatra atao itomboana dia tokony raisina amin'ny fatra mitovy, mba hahatonga ny fitomboana ho ara-dalàna. Tsy misy singa avelavela fotsiny. Izay ihany no fomba hahalalanao ny herin'Andriamanitra eo amin'ny fiainana. Izay ihany no fomba hahatonga antsika ho ilay mpianatra tian'i Jesosy hahatongavana.

## **KAHIE FANDRAISANA ZAVA-PANAHY**



### **FIANARANA BAIBOLY:** (Andininy iray isan'andro)

1. 1Korintiana 3:1-3... Moa ve tokony hijanona ho “zaza” mandrakizay ny zanak’Andriamanitra iray? Nahoana no sosotra i Paoly ao amin’ireo andinin-tsortra masina ireo? Inona no hataonao mba itomboanao ara-panahy?
2. Marka 9:42...Inona no lazain’i Jesosy mikasika ireo mpanafintohina ireo madinika ireo? Afaka manao izay hahatafintohina na handavo rahalahy ve ny olona? Nahoana?
3. Matio 24:24...Firy ny olona hitsangana ka hilaza fa manana ny fahamarinan’ Andriamanitra? Afaka hanao fahagagana ve izy ireo? Ahoana no ahafahana milaza na avy amin’Andriamanitra izireo na tsia?
4. Jaona 15:4-5...Moa ve afaka ny hiteraka vokatra ny Kristiana tsy “mitoetra ao amin’i Kristy”? Karazam-bokatra inona no resahantsika eto? Inona no ifandraisany Fianarana Baiboly, Vavaka, Firahalahiana ary Fijoroana Vavolombelona amin’ny fitoerana ao amin’i Kristy’?
5. FAMERENANA: Ivereno ireo Soratra masina nianarana tamin’ity herinandro ity dia soraty izay zavatra nianaranao avy tamin’izy ireny.

**VAVAKA:** Soraty izay olona na zavatra nentinao am-bavaka tamin’ity anio ity

**FIRAHALAHIANA:** Soraty ny anaran’ny mpino niarahanao androany sy izay nataonareo

**FIJOROANA VAVOLOMBELONA:** Soraty ny anaran’ny olona tsy mino nijoroanao vavolombelona sy ny fomba nanaovanao izany.

**FANAOVAM-PIANATRA LESONA FAHADIMY:  
FIJERY VAOVAO IZAO TONTOLO IZAO,  
ARAKA NY FIJERIN'ANDRIAMANITRA**

**FAMPIDIRANA:** Toerana mahazatra an'izao tontolo izao ny mitsikera Kristiana miezaka miaina amin'ny fiainana araka an'Andriamanitra. Tena be loatra ny faharatsiana eto amin'izao tontolo izao, ka izay ezaka rehetra natao anatsofohana ny filazantsara dia toa very maina - tahaka ny miezaka manaofoana ny ranomasina amin'ny kaopy kely. Ho fanampin'izany dia tsy mitsaha-milaza i Satana fa "Fitiavana Andriamanitra, ka amin'ny farany, dia hamela heloka ny olona rehetra amin'ny ratsy rehetra nataony Izy, ka dia voa mafy ianao tsy manao izay hahafinaritra rehetra".

Marina fa be fitiavana Andriamanitra. Fa tsy maintsy mahatsiaro koa isika fa Izy dia manome ny Rariny sy ny Hitsiny, ary tsy mandainga. Tsy ho nirahiny ho faty teo amin'ny hazofijalin'i Kalvary ny Zananilahy, raha nisy fomba hafa nahazoan'ny olona famonjena. Tena *azontsika antoka* izany.

**I. MANAN-DANJA KOKOA IZAY IRIAN'ANDRIAMANITRA**

Tsy misy dikany ny fanirianao manokana raha toa ka mifanohitra amin'izay irian'Andriamanitra. Misy antony nametrahana anao eto amin'ity tontolo ity: dia ny hanao ny sitrapon'Andriamanitra. Ny sitrapony dia ny hiainanao fiainam-pahamasinana, dia ny hisarahanao amin'ny ota, sy ny hampianaranao ny hafa hanao toy izany koa.

Amin'ny maha-mpianatr'i Jesosy anao, ny hany zavatra mahaliana anao dia tokony fanekena feno Azy. 1 JAONA 2:15-17 dia mampianatra fa tsy tokony ho tia ny zavatr' izao tontolo izao isika. Milaza amintsika koa izany fa raha tia izao tontolo izao isika, ary afaka manao izany amin'ny fisainana madio, dia misy zavatra ara-panahy tsy mety izay. Raha tsy ao anatinao ny fitiavan'ny Ray, amin'izay fotoana izay dia tokony hahatsapa tsy mahazo aina ianao. Izany koa dia manondro fa ny zavatr'ity izao tontolo izao ity dia mandalo, fa ny olona manao ny sitrapon'Andriamanitra no maharitra mandrakizay.

**II. GAGA NY AMIN'NY ZAVA-BITAN'NY OLONA ISIKA...TSY MBA TOY  
IZANY ANDRIAMANITRA**

Amin'ilay fahalalantsika voafetra dia mora gaga amin'ny zavatra ataon' ny olombelona isika. Hevero anie e! Nandehandeha teny amin'ny volana ny olombelona, manana hery hamotehina firenena amin'ny fanapotsirana bokotra fotsiny, ary afaka misakafo maraina any amin'ny kontinanta iray dia afaka misakafo atoandro any amin'ny kaontinanta iray hafa amin'ny andro anankiray. Talanjona isika amin'ny zavatra vitan'olombelona, mangovitra amin'ny fahefany isika, ary dokafantsika izy amin'ny halalin'ny sainy.

Tena asa tanana voakaly tokoa ny olombelona. Kanefa na izany aza dia misy Anankiray Izay tsy taitra akory amin'ny zavatra nataon'ny olombelona. Ny

fahaizan'olombelona dia tsy misy dikany raha ampitahaina amin'Ilay Avo Indrindra amin'ny tontolo hita maso sy tsy hita maso - dia Andriamanitra izany.

ISAIA 40:15-17 dia milaza fa ny firenena rehetra mitambatra dia tahaka ny rano indray mitete ao anaty siny! Raha Andriamanitra, dia tsy misy dikany Aminy izao tontolo izao, ny tena izy dia ambany noho ny tsy misy dikany.

Tsy mahataitra an'Andriamanitra raha ny olombelona, satria Izy no nanamboatra azy. Azonao atao ny mitolagaga araka izay tianao, fa tsy mahataitra an'Andriamanitra izany.

### **III. MITONDRA LOZA HO AN'NY TENANY IZAO TONTOLO IZAO...FA ANDRIAMANITRA TSY MBA TOY IZANY**

Mila mitadidy isika fa izao tontolo izao dia fahavalon'Andriamanitra. Izao tontolo izao sy ny zavatr'izao tontolo izao - eo ambany fitantanan'i Satana - dia nanangana totohondry taminan'Andriamanitra sy namaky ady taminy. Amin'ny maha-fahavalon'Andriamanitra azy, dia tsy nanao afa-tsy nanimba azy ireo ny otany sy ny fomba fiainany.

Ny faharatsiana sy ny ny fahavetavetan'izao tontolo izao dia fintinina amin'ny zavatra telo ireto: (1) Ny "filan'ny nofo", (2) "Ny filan'ny maso", (3) ny fireharehana amin'ny "rehaky ny fiainana". Ireo karazana ota ireo dia tsy manao afa-tsy miteraka fanaintainana sy fahoriana ho an' ny olombelona.

**NY FILAN'NY NOFO:** Tadidio fa i Satana dia hanafika anao foana tamin'ny lalan'ny "filan'ny nofo". Ny natioran'ny nofonao dia hanana faniriana mandrakariva izay mety hitondra anao hiala amin'ny lalana tsara (lalan'Andriamanitra). Izany no antony tsy maintsy anananao antoka fa manao izay hahafa-po ny zavatra ilain'ny nofonao ao anaty fefy napetrak'Andriamanitra ianao. Ohatra: ny faniriana hanao firaisansa dia tokony ho ao anaty fifaneken'ny fanambadiana ihany no hanaovana izay hahafa-po azy - fefy izay napetrak' Andriamanitra ho amin'izany zava-kendrena izany.

**NY FILAN'NY MASO:** Ny ota dia ho tonga foana toy ny voahodidina jiro mamiratra sy mahafinaritra. Ireo mpilalao sarimihetsika ao amin'ny televiziona sy ny dokam-barotra amin'ny labiera sy ny gazety, dia olona mahay foana, salama, manana nify botsiaka mahafinaritra. Fa tsy aseho ny marina. Tsy aseho ao an-tatatra ny mamo, mitrosina ao anatin'ny lo-any, na mamono olona tsy manan-tsiny, satria mamo nitondra fiara. Tsy asehon'izy ireo ny lehilahy miresaka avy amin'ny 'tuyau' atsofoka ao attendany satria nohanin'ny homamiadana ny 'corde vocal'- ny.

**NY REHAREHAN'NY REHAKY NY FIAINANA:** Tsy gaga ve ianao rehefa misy olona avy amin'ny heverinao fa "manana ny zava-drehetra" mamono tena? Tsy avy amin'ny fahazoana harena sy laza ny fiadanana. Ireo zavatra ireo dia mandalo fa tsy mitondra ny tena fiadanana ho an'ny olona.

**FAMINTINANA:** Tsy afaka hahatsapa ny tena fiadanana ianao raha tsy fenonao ny antom-pisianao, dia ny fanaovana ny sitrapon'Andriamanitra izany. Ilay lehilahy hendry

indrindra tamin'ny olombelona dia nanazava ao amin'ny MPITORITENY 12:13-14 fa ny fahatahorana an'Andriamanitra sy ny fankatoavana ny didiny no *mahamety* ny olombelona. Nahoana? Hoy i Solomona hoe: "Ho entin'Andriamanitra hotsaraina avokoa ny asa rehetra, ny zava-miafina rehetra na soa na ratsy."

Ny tena mpianatr'i Kristy dia tsy hatahotra olona, na ho taitra amin'izay vitan'ny olona. Ny tena mpianatra dia mahalala fa ny zava-tsoa rehetra dia avy amin'Andriamanitra ary ny ratsy rehetra dia avy amin'izao tontolo izao sy Satana. Ny mpianatr'i Jesosy dia hijery zavatra avy amin'ny fomba fijerin'Andriamanitra, ary hahita fa raha ny fijerin'Andriamanitra azy, dia tsy mahataitra firy izao tontolo izao.

Ny asantsika dia ny mamita ny misiona. Ny misionantsika dia ny mamonjy ny olombelona ho afaka amin'izao tontolo izao. Tsy afaka mahavita ny misionantsika isika raha toa ka raiki-pitia amin'izao tontolo izao, na andevozin'izao tontolo izao. Tsy maintsy miaina miaraka amin'ny maso mifantoka mandrakariva amin'Andriamanitra isika.

## **KAHIE FANDRAISANA ZAVA-PANAHY**



**FIANARANA BAIBOLY:** (Andinin-tSORATRA Masina iray isan'Andro)

1. 1Korintiana 1:18-23... Inona no eritreretin'izao tontolo izao mikasika ny zavatr' Andriamanitra? Inona no dikan'ny hazofijaliana amintsika? Inona no fombanofidin'Andriamanitra hanatsofohana ny Hafany ho any amin'izao tontolo izao?
2. Asan'ny Apostoly 4:1-22... Nahoana ireo mpisorona no tezitra tamin'i Petera sy Jaona? Inona no nolazainy tamin'i Petera sy Jaona? Ahoana no famalin'i Petera sy Jaona azy ireo?
3. Asan'ny Apostoly 5:29-42... Inona no tian'ny mpisorona hatao rehefa nandre ny tenin'i Petera izireo? Nataon'izireo inona ireo apostoly alohan'ny nandefasany azy ireo? Inona no fihetsik'ireo apostoly?
4. Jakoba 4:4... Inona no ataonao amin'Andriamanitra raha sakaizan'izao tontolo izao ianao? Avy amin'ny fijery manahoana no ijerena an'izao tontolo izao? Ny fomba fijery inona no tsara indrindra amin'ny olombelona?
5. FAMERENANA: Ivereno ireo Soratra Masina nianarana tamin'ity herinandro ity dia soraty izay lesona azonao avy tamin'izireo

**VAVAKA:** Soraty ny olona na zavatra nentinao am-bavaka androany.

**FIRAHALAHIANA:** Soraty ny anaran'ny mpino niarahanao sy ny zavatra nataonareo

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona sy ny fomba nanaovanao izany.

## FANAOVAM-PIANATRA LESONA FAHENINA: FOMBA FIJERY VAOVAO MITONDRA NY HAZOFIJALANTSIIKA

**FAMPIDIRANA:** Marobe ny Kristiana tsy manam-pifaliana satria miezaka manana fiainana roa. Sady te-ho ‘anisan’ na ho isan’izao tontolo izao no te-ho ‘an’i Jesosy izy. *Tsy azo tanterahana izany karazana fiainana izany.* Vokatr’izany izay te-hiaina an’io karazam-piainana io dia hahita korontana fa tsy fahasambarana.

Ny hany fomba hahitanao fahasambarana sy fahafahampo dia ny fahatongavano ho tena mpianatra, satria nantsoina ho amin’izany antony izany ianao. Rehefa tonga Kristiana ianao, dia afahan’i Jesosy amin’izao tontolo izao mba hahatonga anao ho lasa Mpianany. Tsy andraikitra mora foana izany lasa mpianatr’i Kristy izany. Nolazain’ny Tompontsika ao amin’ny MATIO 16:24-25 fa tafiditra ao anatin’ny maha-mpianatra ny fandavan-tena, ny “fitondrana ny hazofijalian’ny tena”, ary ny fanarahana ny Diantongony.

Raha atao indray mitopi-maso, dia tsy tena tsara ny fandrenesana izany. Fa tsynofararan’i Jesosy tamin’ny lohahevitra ratsy akory izany. Hoy Izy: “izay tsy mahafoy ny ainy no hahavery azy, ary izay mahavery ny ainy noho ny Amiko no hahazo azy”. Raha atao teny hafa, dia izao: raha mampitodika ny fiainanao amin’i Jesosy ianao, dia hahita fiainam-piadanana sy fahafaham-po mandrakizay. Nahoana? Satria ianao noforonina ho an’ny zava-kendrena, dia ny hitondra haja sy voninahitra ho an’Andriamanitra.

### I. FANDAVAN-TENA:

Ny zavatra faran’izay sarotra indrindra amin’ny mpino vaovao dia ny “mandà tena”. Ny natioran’ny nofonao dia te-hosarihan’izao tontolo izao foana, ary hiady aminao mandrapahatonganao any am-pasana izany. Fa ny GALATIANA 5:16 dia mampianatra antsika mba hanome vahana ny Fanahy Masina, mba tsy hanomezantsika fahafaham-po ny nofontsika. Tsy ho vitanao izany raha tsy mianatra miteny “TSIA” amin’izay tian’ny natioran’ny nofonao atao ianao.

Hisy fotoana hilanao ireo rahalahy sy anabavy Kristiana hanampy anao handresy ny fakam-panahy tonga eny amin’ny lalanao. Tadidio fa ny filàna ny fanampiana avy amin’ny rahalahy sy anabavy akory tsy zavatra mampahamenatra. Raha te-hahomby amin’ny fandavantena ianao, dia ny fangatahana fanampiana amin’ny hafa no zavatra tsara indrindra tokony hatao.

Ny fisarihan’i Satana eo amin’ny natioran’ny nofontsika dia mety zavatra tsy mampino mihitsy. Ny ankamaroantsika dia mahavita mijery fahitalavitra adiny ora maro, fa rehefa manomboka mamaky Baiboly, dia mifono mistery fa lasa reraka ny masontsika. Afaka mitsangana ora maro isika ao amin’ny teatra na ao amin’ny toerampsitsangatsanganana fialam-boly mitaingina kiraro korisakorisa, fa reraka tampoka ny tongotsika raha hizara ny filazantsara amin’ny hafa. Mahavita mifosa ny namantsika ora

maro ao amin'ny telefona isika, fa tsy afaka miresaka zava-panahy mihoatry ny minitra vitsy.

Ao amin'ny 1 KORINTIANA 9:27 ny apostoly Paoly dia nilaza fa indraindray dia tsy maintsy ataony "mangana" "ny tenany ary ataony manaiky ny Fanahy Masina. Izany akory tsy milaza fa mila mandratra tena ara-bakiteny ianao, fa midika hoe mila miezaka fatratra ianao mba tsy hanaiky ho entin'ny fanirian'ny nofonao.

Koa ny fanontaniana tonga ao an-tsaina dia hoe: "Nahoana aho no tsy maintsy mandà tena" Tsotra ihany ny valiny. Tsy voatery hahalala ny tsara indrindra ho an'ny fiainanao ianao. Andriamanitra, amin'ny maha-Mpamorona anao Azy, dia mahalala ny tsara indrindra ho anao. I Satana, amin'ny maha-fahavalon'Andriamanitra azy, dia te-hamotika anao. Handainga aminao mandrakariva izy, ary hiezaka hamely anao amin'ny fanarahana ny natioran'ny nofo, mba hahafahany misarika anao hanao zavatra hiteraka fanaintainana mafy aminao, ary farany dia ny hamotika anao.

Ny fandavanao ny tenanao, dia fanarahanao ny maodely napetraky ny Mpamonjinao. Nandà ny tenany i Jesosy ary nankató ny Ray, hatramin'ny fahafatesana teo amin'ny hazofijaliana aza. Noho ny fankatoavany, FILIPIANA 2:5-11 dia mitantara amintsika fa ny Anarany dia ambony noho ny anarana rehetra, ary indray andro, dia handohalika eo anatrehany ny olona rehetra ary hiaiky fa Jesosy no Tompo.

Fantatr'Andriamanitra izay tsara indrindra ho anao, ary noho izany antony izany, dia mila mankató Azy ianao, na dia tsy azonao manontolo aza ny zavatra mitranga eo amin'ny fiainanao. Mila mianatra *mandà tena* ianao.

## **II. FITONDRA NY HAZOFIJALIANAO**

Iray amin'ireo fomba fandavan-tena ny "fitondrana ny hazofijaliana" isan'andro. Rehefa mieritreritra ny hazofijaliana ianao, dia mieritreritra olona miala aina amin'ny fahafatesana feno fanaintainana. Tsy misy sary mahafinaritra entin'ny hazofijaliana.

Io resaka mikasika ny "fitondrana ny hazofijaliana" io dia lohahevitra tsy dia mahafinaritra. Fa tokony ho azonao fa io ihany no lalana hahafahanao mamotika ny fanirian'i Satana hanimba anao amin'ny ota, fa hahatanterahanao ny sitrapon'ny Ray, izay hitondra ny tena fahasambarana ao aminao, ka hanao anao ho tena mpianatry ny Tompo marina.

### **III. FANARAHANA AN'I KRISTY**

Ny hetsika fahatelo nolazain'i Jesosy fa ilaina mba hahatonga anao ho Mpianany dia ny ilàna anao "hanaraka Azy". Ny fomba tokana hahafahanao manaraka Azy dia amin'ny alalan'ny fahatakarana ny fomba niainany fony Izy tety an-tany. Ary ny fomba tokana hahatakaranao izany dia amin'ny alalan'ny fianaranao ny Fiainany araka ny voazava ao amin'ny Baiboly. Tsy maintsy mpianatra ny Soratra Masina ianao ary tena mpankatô izay nianaranao. Ao amin'ny JAONA 15:10 Jesosy dia nilaza fa raha tiantsika ny hitoetra "ao amin'ny Fitiavany", dia tsy maintsy mankatô ny didiny isika. Ny hany toerana hahitanao ny didiny dia ny Baiboly. Tsy misy loharano hafa hahazoana ny torolalana ho an'ny fanaovana ho mpianatra. Tsy maintsy ianaranao ny Teny ary ampiharinao izay nianaranao.


#### **FAMINTINANA:**

Ireo hetsika telo amin'ny fanaovam-mpianatra ireo dia mora azo, kanefa tsy mora ampiharina. Manodidina eo foana i Satana hanohitra anao sy hanisy sakana eo amin'ny lalanao. Ny an'ilay lehilahy tao amin'ny Marka 10:19-22 ny sakana dia ny vola. Tehanaraka an'i Jesosy izy, fa tsy te hamela ny hareny. Inona no manakana anao tsy hanaraka an'i Jesosy?

Ny fiainana mandrakizay sy ny trano any an-danitra dia tokony ho antony ampy hanarahana an'i Jesosy. Ireo zavatra roa ireo fotsiny dia tokony hanetsika anao hanompo Azy amin'ny zavatra rehetra anananao mandritra ny androm-piainanao rehetra.

Na izany aza, dia tsy ireo fotsiny ny zavatra nampanantenain'i Jesosy ireo izay manaraka Azy. Nilaza tamintsika Izy fa raha manaraka Azy isika dia hotahiana koa ety an-tany. Nampanantena antsika Izy fa hotahiana koa isika ety an-tany ary tsy hahalany ny fananany isika; ary izay mahavery zavatra mba ho Mpianany dia hahazo be amin'izao fiainana izao, ho fanampin'izay miandry azy any an-danitra. MARKA 10:29-30 dia milaza fa tsy misy olona manompo an'i Jesosy ka tsy handray valim-pitia any an-danitra. Tena tsy mahafatiantoka mihitsy ilay izy!

## **KAHIE FANDRAISANA ZAVA-PANAHY**



**FIANARANA BAIBOLY:** (Andininy iray isan'andro)

1. Lioka 9:57-62... Inona no nolazain'i Jesosy tamin'ilay lehilahy izay nilaza fa hanaradia azy na aiza na aiza alehany? Inona no nolazain'i Jesosy tamin'ilay lehilahy izay te-handevina ny rainy aloha?
2. Matio 10:37-38... Tena tian'i Jesosy hankahala ny ankohonantsika ve isika? Inona no tiany lazaina amin'ireo teny ireo? Inona no nolazain'i Jesosy tamin'ireo izay tsy tehitondra ny hazofijaliany?
3. Matio 16:24-25... Inona no dikan'izany hoe "manara-dia an'i Jesosy" izany? Inona no tokony hataontsika raha te-ho tahaka an'i Jesosy isika? Inona no dikan'ny hoe "mahavery ny aina mba hahazo azy indray"?
4. Galatiana 5:24... Inona no hombohan'ny mpianatr'i Kristy? Ahoana ny hanaovana izany hoe fanombohana ny filan'ny nofo izany?
5. FAMERENANA: Ivereno ireo fianarana Soratra Masina nataonao tamin'ity herinandro ity dia soraty izay nianaranao avy tamin'ireo.

**VAVAKA:** Soraty ny olona na zavatra nentinao am-bavaka androany

**FIRAHALAHIANA:** Soraty ny anaran'ny mpino niarahanao androany sy ny zavatra nataonareo

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona sy ny fomba nanaovanao izany.

FANAOVAM-PIANATRA LESONA FAHAFITO:  
**FITOERAKO AMIN'NY TOERAN'I KRISTY NY FIJOROAKO VAVOLOMBELONA**

**FAMPIDIRANA:** Tian'i Jesosy Kristy Tompo ny mpanara-dia Azy mba haka ny Toerany. Tamin'ny vanim-potoana faha-mpanjaka, rehefa nipetraka tao an-dapa ny mpanjaka sy ny ny miaramilany ka niakanjo fiarovan-tena vita tamin'ny vy, dia mora fantatra izy amin'ireo sary famantarana na sary eny amin'ny ampingany na ny saina entiny. Ankehiritriny, ny dahalo dia fantatra amin'ny loko izay anaovany na ny marika manokana nomena tamin'ny fotoana voatendry.

Ny mpanara-dia an'i Jesosy dia fantatra amin'ny fomba maro. Fa ny zavatra izay tena amantarana ireo mpianatr'i Kristy dia ny "fijoroantsika vavolombelona" na "ireo vavolombelona". Rehefa manambara ny fijoroantsika vavolombelona isika, dia miresaka ny fomba fihetsitsika amin'ny toe-javatra samihafa. Tsy mitsahatra mijery antsika izao tontolo izao, miezaka mijery raha miaina amin'ny zavatra nampianarin'ny Mpampianatra avy any an-danitra nandritra ny asa fanompoany manokana tety an-tany isika na tsia. Raha mampihatra ny fampianarany isika, dia afaka mahalala antsika ho toa Azy izao tontolo izao. Raha tsy izany dia tsy hahita fitoviana izy ireo.

Satria ny namanao sy ny fianakaviana tsy mahalala an'i Jesosy ka tsy hahatakatra zava-panahy, dia zava-dehibe ny fijoroanao vavolombelona.

1 KORINTIANA 2:14 dia manambara amintsika fa ny zava-panahy dia fahadalana amin'ny tsy mpino. Tsy ho takany ny zava-panahy satria tsy manana natiora ara-panahy izy ireo. Tsy nateraky ny Fanahy Masina izy ireo. Eo no mahatonga ny fijoroanao vavolombelona hanan-danja. Amin'ny fijoroanao vavolombelona no hahafahanao maneho zava-panahy amin'ny ara-nofo sy zava-niananao manokana amin'izao tontolo izao. Azonao ampiasaina ny tenanao hanehoana ny fiovanao ara-panahy sy ny mahasamihafa ny fahalalana sy ny fahafantarana an'i Jesosy. Na izany aza, raha mifidy ny tsy hiaina amin'ny ara-panahy, fiainana araka an'Andriamanitra ianao, manoloana izao tontolo izao, dia tsy afaka hahita fahasamihafana eo aminao izy ireo, ka tsy ho azony izay antony ilàny an'i Jesosy eo amin'ny fiainany.

**I. NY HANY ILAINA ATOLOTRAO AN'ANDRIAMANITRA**

Tadidio fa novidiania ianao (1 Korintiana 6:19-20) ary ny fiainanao dia tsy anao intsony. Tsy mila vola Andriamanitra, koa inona no azonao omena ilay Iray izay Tomponao?

Ny hany tokana azonao atolotra an'Andriamanitra izay misy vidiny dia ny fijoroanao vavolombelona na ianao vavolombelona. Tsy maintsy arovanao izany ary kolokoloinao mba tsy ho very. Raha very ny fijoroanao vavolombelonao tsara, dia ho sarotra tokoa aminao ny hamerina amin'Andriamanitra ny zava-mahagaga rehetra nataony taminao. Nampianatra antsika Jesosy ao amin'ny MATIO 5:13-16 fa tahaka ny

“fanasina sy fahazavana” isika ho an’izao tontolo izao. Nantsoin’i Jesosy hitondra *tsirony* ho ao amin’ity izao tontolo izao ianao sady hanazava ny jiron’ny filazantsara eo amin’ny olona rehetra izay mifanerasera aminao. Raha tsy tanterahanao izany andraikitra izany, inona no fanantenana hahitan’ny namanao sy ny fianakavianaو famonjena?

Ny mpino izay tsy manana fijoroana vavolombelona dia tahaka ny sira very tsiro. Ambaran’ny Baiboly fa tsy misy ilàna azy intsony ka ariana sy hitsahin’ny olona izy. Ny mpianatra tsy manana fijoroana vavolombelona dia lasa fihomehezan’ny tsy mpino. Raha tsy ‘avondrony ny heriny’ dia ho lasa vesatra ho an’ny fitomboan’ny fanjakan’ny Tomponsika fotsiny izy, raha tsy mampivondrona ny heriny.

## **II. BATISA, FIOFANANA ARY FANKATOAVANA**

Misy zavatra maro azonao atao hanatanjahana ny fijoroanaو vavolombelona. Ao amin’ny MATIO 28:19-20 ny Tomponsika dia nanome antsika zavatra telo hataotsika mba “hampiorenanana” ny fijoroantsika vavolombelona sy hahatonga antsika ho Kristiana izay ho fantatra fa *manahaka* Azy. Rehefa mianatra ireto andininy ireto ianao dia hahatsapa fa tian’i Jesosy hatao batisa, handray fiofanana ary hankatô Azy ireo mpianany.

Ny batisa dia mampanahaka anao amin’i Jesosy satria maneho ny Fahafatesany, ny Fandevenana ary ny Fitsanganany tamin’ny maty izany. ROMANA 6:3-6 dia manazava fa rehefa vita batisa ianao, dia maneho amin’izao tontolo izao izay nitranga taminao rehefa nandray an’i Jesosy ho Mpamonjinao ianao. Rehefa nanaiky an’i Jesosy ianao dia maty ny amin’ny fahotanao, nalevina tao amin’ny Ràny ary nitsangana ho amin’ny fiainana vaovao ao Aminy. Tsy afaka mahita izay nitranga tao am-ponao izao tontolo izao, fa amin’ny alalan’ny batisa, dia afaka maneho ny zava-nitranga taminao arabakiteny amin’izy ireo ianao. Tokony ho tsaroanao mandrakariva fa tsy afaka mahatakatra na inona na inona afa-tsy ny hita maso, azo tsapain’ny tanana ary mivaingana izao tontolo izao. Fa rehefa atao batisa ianao, dia afaka maneho amin’izy ireo fa matotra ny fanapahan-kevitrao fa tsy kilalao.

Rehefa vita batisa ianao dia miditra amin’ny fanabeazana izay maharitra mandrapahatonganao any amin’ny Tompo any an-danitra. Marobe ireo zavatra hianaranao mikasika ny Mpamonjy sy ny zavatra andrandrainy avy aminao mpianany. Mba hahazoanao ny fiofanana ilainao, dia toerana tokana no azonao aleha: *ny Baiboly*. Ny *Tenin’ Andriamanitra* no hany loharano izay nomena *fahazoan-dalana* hahazoanao fahalalana. Tokony ho azonao antoka fa izay ampianarina dia mifanaraka amin’ny fampianarany.

Marobe ny toeram-pianarana ao anatin’ny fiangonanao izay azonao hangalana fampianarana: Sekoly Alahady, Vondrom-bavaka an-tokantrano misy fianarana Baiboly, ary toriteny, ankoatry ny fianaranao manokana izay iarahanao irery sy ny Tompo. Amin’ireo tranga rehetra ireo dia mianatra bebe kokoa ianao mikasika izay antenaina

hataonao amin'ny maha-mpianatra anao. Fa tadio, ny fianarana rehetra ataoao dia tsy maintsy tohanan'ny Tenin'Andriamanitra.

Tsy misy antontam-pampianarana mitondra soa ho an'ny fiainanao raha tsy ampiharinao. Tsy hahasoa anao ny mahalala an'i Jesosy raha tsy hankatô Azy ianao. Tsy afaka ny tena ho mpianatr'i Jesosy marina ianao, raha tsy hanaraka ny fampianarany.

JAKOBA 1:22-25 dia manambara amintsika fa raha mpihaino fotsiny isika fa tsy mpankatô ny Teny dia manadala tena fotsiny. Tsy amin'ny fahalalana izay lazain'ny Baiboly fotsiny no maha voatahy antsika. Voatahy isika amin'ny fankatoavana ny fitsipidala ampianariny.

#### **FAMINTINANA:**

Amin'ny maha-mpianatr'i Kristy antsika dia tokony hiady mba tsy hanararaotra ny fahafahana ananantsika ao amin'i Jesosy iiska. Satria ianao voavonjy dia tsy Voaheloka toy ny mpanota intsony. Nialanao ny fahafatesan'ny ota ka nankany amin'ny fiainana miaraka amin'i Jesosy ianao. Fa ny tokony hotsaroanao dia olona an'arivony maro no miaina ao ambany fanamelohana, ary andraikitrao ny mampahafantatra ny Mpamonjy azy ireo. Ny famonjena anao dia tsy miankina amin'ny fampahafantaranao ny hafa an'i Jesosy, fa tokony ho henatra, raha manararao-paty amin'ny fahafahana anananao ao amin'i Kristy ianao! GALATIANA 5:13 dia manambara amintsika fa nantsoina ho amin'ny fahafahana isika, fa tsy tokony ho araraotina amin'ny ratsy izany fahafahana izany, amin'ny fampiasana izany amin'ny ota. Izany fahafahana izany dia nomen'i Jesosy antsika. Ary ny ain'i Jesosy ny tombam-bidin'izany!

## **KAHIE FANDRAISANA ZAVA-PANAHY**



### **FIANARANA BAIBOLY**

1. Titosy 2:7-8... Amin'ny zavatra firy isika no tokony ho maodely tsara? Ahoana no tokony ho tsapan'ny fahavalontsika rehefa tsy mahita zavatra iampangana antsika izy ireo? Inona no ifandraisan'ireo andininy ireo amin'ny fijoroantsika vavolombelona?
2. Romana 14:8...Iza moa no antony ahavelomantsika (mpianatr'i Jesosy)? Moa ve isika manaiky ho faty noho ny amin'i Krsity? Manana zo hiteny izay fomba tiantsika iainana ve isika? Nahoana?
3. 1 Samoela 15:22... Inona no tian'Andriamanitra kokoa : fanatitra sa fankatoavana ? Mihevitra ve ianao fa misy Kristiana afaka mividy ny fankasitranan'Andriamanitra ? Araka ny hevitrao, nahoana no fankatoavana no tian'Andriamanitra kokoa?
4. Jaona 13:17... Moa ve isika voatahy amin'ny fahalalana izay tian' Andriamanitra ataontsika sa amin'ny fanaovana izay tian'Andriamanitra hatao? Raha fantatsika fa tian'i Jesosy hatao batisa isika, hanoman-tena ka hankatô, dia inona no tokony hataontsika? Moa ve ny olona tsy manao izany zavatra izany ho voatahy hoy ianao? Nahoana?

**FAMERENANA:** Ivereno ny Soratra Masina nianarana tamin'ity herinandro ity dia soraty izay nianaranao avy tamin'izany

**VAVAKA:** Soraty ny olona na zavatra nentinao am-bavaka androany.

**FIRAHALAHIANA:** Soraty izay olona niaraka taminao androany sy izay nataonareo.

**FIJOROANA VAVOLOMBELONA:** Soraty izay anaran'ny tsy mpino nijoroanao vavolombelona sy ny fomba nanaovanao izany.

FANAOVAM-PIANATRA LESONA FAHAVALO:  
**FANAHĀFAKO AN'I KRISTY NY Fiangonana sy ny TOERAKO AO ANATINY**

**FAMPIDIRANA:** Maro ny Kristiana izay milaza fa tia an'i Jesosy, fa zara raha mifandray amin'ny Fiagonany. Amin'ny an'ny sasany, ny tsy fahaizany miray saina amin'ny fiagonana dia noho ny hakamoana na ny fihatsarambelatsihy. Ny an'ny sasany, dia tsy fahampian'ny fahamatorana na ny fanaovam-pianatra. Raha tianao ny ho mpianatr'i Kristy marina, dia hanahaka Azy ianao, amin'ny fitiavana ny Fiagonany sy ny fandraisana anjara ao anatiny.

Izay no angatahany amintsika. Nahoana? Satria ny Fiagonana no Tenany. Tsy ara-dalàna ny miteny fa tia an'i Jesosy ianao nefo tsy tia ny Tenany. Raha tia an'i Jesosy ianao, dia ho tia ny Fiagonany koa.

### **I. NY MISIONAN'NY FIAGONANA**

Ny antony voalohany ilàna ny fandraisan'ny mpianatra anjara mavitrika ao amin'ny fiagonana dia ny hanatanterahana ny fe-potoana iasàna nomen'ny Mpampianatsika avy any an-danitra antsika. Ao amin'ny MATIO 28:19-20 dia mahita isika fa nanome baiko ny Fiagonany i Jesosy ho any amin'izao tontolo izao sy hanao mpianatra ny firenena rehetra, hanao batisa ireo izay mino sy hampianatra azy ireo hitandrina ny Didiny.

Raha jerenao izany andraikitra izany, dia mety hanontany ianao hoe: Ho vitan' olon-tokana ve izany? Ny valiny dia TSY MISY OLON-TOKANA HAHAVITA IZANY. Fa tsy tokony hahagaga anao izany, satria tsy nomena ny isam-batan'olona ny andraikitra. Na Jesosy aza tsy nikendry ny hanambara ny filazantsara irery. Tsy planiny izany. Ny andraikitra fanaovam-mpianatra ny firenena dia misiona ho an'ny fiagonana manontolo.

Ny sasany dia nametraka fetra teo amin'ireo teny ao amin'ny MATIO midradradradra fa izy ireo fa nomena manokana ho an'ireo Apostoly fa tsy nomena ho an'ny fiagonana manontolo. Fa raha dinihintsika ireo teny farany ao amin'io toko io, dia hahitana an'i Jesosy milaza hoe: "ary indro Izaho momba anareo mandrakariva ambara-pahatongan'ny fahataperan'izao tontolo izao". "Ny fahataperan'izao tontolo izao dia faran'izao tontolo izao". Noho izany raha ny Apostoly ihany no nomena io fotoam-piasana io, fa tsy ho an'ny fiagonana manontolo, dia tokony ho mbola velona arabakiteny any ho any eto amin'ity planeta ity izany ny Apostoly. Isika mahalala fa tsy misy izany. Nomen'i Jesosy ny fiagonany ity misiona ity, izay, tamin'izany fotoana izany, dia roambinifolo ry zareo.

Hery tokana no nampanantenain'i Jesosy ny Fiagonany. Ny fiagonan'i Jesosy no hany fikambanana maneran-tany, izay afaka manao ny firenena rehetra ho mpianatra. Nahoana? Satria nampanantena Jesosy fa homba ny fiagonany mandra-pahatonga ny

fahataperan'izao tontolo izao. Lehibe tokoa ny hery nomen'i Jesosy ny Fiagonana, ka na dia ny vavahadin'ny fiainan-tsy hita aza dia tsy haharesy azy" (Matio 16:18). Tsy nampanantena io hery io ny olon-kafa Jesosy, fa nampanantena ny Fiagonany. Koa noho izany, raha tianao ny ho afaka hanatanteraka ny misiona navelan'ny Tompo ho antsika, dia tokony ho mpandray anjara mavitrika miaraka amin'ny Fiagonany ianao.

## **II. ARAKARAKY NY FAMPIHARANAO NY SINGA ILAINA HAHAVITANAO NY ASA, NO HITONDREN' ANDRIAMANITRA ANAO HO AMIN'NY TOERANA TOKONY HANOMPOANAO**

1 KORINTIANA 12:12-27 dia mampianatra atsika fa tsy misy valaka amin'ny vatantsika, ny tenan'i Kristy dia firafitry ny "mambra tsirairay". Ny mambra tsirairay dia manana ny asany na hetsika ataony ao anaty vatana. Tsy afaka maka ny toeran'ny maso ny ankihiben-tongotrao na dia reraka be manao ahoana aza, satria tsy manana fahafahamita izy. Ny masoanao dia tsy afaka haka ny toeran'ny ankihibenao satria tsy natao hilanja ny vesatry ny vatanao izy. Ny rantsana tsirairay ao amin'ny vatana dia samy manana ny asa izay sahaniny.

Betsaka ny Kristiana mipetra-potsiny ary miandry am-paharetana fanambarana avy amin'Andriamanitra mikasika ny toerany ao amin' ny fanompoana ao ampiangonana. Indrisy fa hiandry fotoana elabe izy ireo. Tsy misy olona manana zo hipetrapetraka ka hiandry fotsiny an'Andriamanitra haneho azy ny sitrapony amin'ny fiainany. Tsy haneho anao zavatra lehibe Andriamanitra, raha tsy mahatoky amin'ny zavatra kely ianao. Ny fandraisana anjara amin'ny misionan'ny fiagonana dia fanombohana manatanteraka izay efa fantatrao fa tiany hataonao, dia avy eo mamela Azy hitarika anao ho amin'ny toerana ao amin'ny Tena. Ary ny fomba hanaovany izany dia amin'ny alalan'ny Fianarana Baiboly, Vavaka, Firahalahiana, ary Fijoroana Vavolombelona.

Rehefa mianatra ny Tenin'Andriamanitra isika, dia hatoron'ny Fanahy Masina anao ireo fanovàna ilaina hanomanana anao ho amin'ny toeram-panompoanao. Hampianatra anao ny zavatra ilaina fantatrao Izy, hanome anao ny fampiofanana manokana ilainao, ary hanao izay hahatonga anao ho vonona ho amin'ny toerana manokana ho anao ao amin'ny tenan'i Kristy.

Rehefa mampihatra ny vavaka ianao, dia hianatra hivavaka hifona ho an'ny hafa. Ho tonga amin'ny toerana ianao izay ny fiainam-bavakao dia hivavaka ho an'ny olona manokana sy ny toe-javatra misy eo aminy manokana. Rehefa tohizanao ny vavaka, dia haneho fomba hahafahanao manome izay ilain'ny olona ianao. Amin'izay fomba izay, dia hamboly ao am-ponao toerana manokana hanompoanao izay tiany hanohizanao ny Sitrapony Izy.

Rehefa mampihatra ny firahalahiana amin'ny mpino hafa ianao, tsy ho ela dia hifandray amin'ny vondron'olona, sokajin-taonan'olona na manana zavatra ilaina


manokana ianao. Hitanao ny zavatra ilainy dia te-hanao zavatra ho azy ianao. Hitarika anao ny Fanahy Masina ary hanampy anao hahatanteraka izany andraikitra izany.

Ny singa farany ao amin'ny zavatra ilaina dia ny Fijoroana Vavolombelona. Raha ny tena izy, raha toa ianao ka mandray andraikitra amin'ireo singa telo ao amin'ny zavatra takiana, dia tsy sarotra tanterehana ity farany ity, satria ny fijoroanao vavolombelona dia tena hiavaka ka ho fantatry ny olon'ity izao tontolo izao ity ny fahasamihafanao sy ny fiainany, ary haniry hanana ny anao izy. Izany dia hitarika anao ho amin'ny irika maro amin'ny fizaràna an'i Kristy amin'izy ireo.

**FAMINTINANA:** Ny Apostoly Paoly ao amin'ny EFESIANA 5:23-27 dia mampianatra antsika fa ny Fiagonana dia manana toerana manokana ao am-pon'i Jesosy. Tena manokana ny fifandraisan'i Kristy amin'ny Fiagonany ka nampitahaina amin'ny fifandraisan'ny mpivady. Tena manokana amin'i Jesosy ny Fiagonana ka nanolorany ny Ainy hamonjy azy.

Amin'ny maha-mpianatr'i Kristy anao dia tsy hainao izany sady manaraka an'i Jesosy no tsy te-hahalala ny Fiagonany izany. Ny fitsikerana, fananararaotana, fanambakana na tsy firaharahana ny Fiagonana dia tena ho hadisoana goavana eo amin'ny fiananao. Tahaka ny hoe mitsikera, manambaka sy manararaotra an'i Jesosy ianao. Ny tena mpianatra marina dia haka tahaka an'i Kristy amin'ny fahatokiany amin'ny Fiagonany.

## **KAHIE FANDRAISANA ZAVA-PANAHY**



### **FIANARANA BAIBOLY:**

1. Matio 16:18... Iza no mampiorina ny Fiangonana? Ahoana no hanehoan'ity andininy ity fa ny fiangonana dia fikambanana mihetsika, fa tsy mipetra-potsiny?
2. Hebreo 10:24-25... Inona ireo zavatra anankiroa tokony hampientana antsika ny hanao azy? Inona no lazain'ny andininy 25 mikasika ireo tsy te-hanatrika fotoam-piangonana? Araka ny hevitrao, nahoana isika no ilaina mivory?
3. Jakoba 1:22-25 Inona no ataon'ny olona izay mandre fotsiny ny Teny amin'ny tenany - fa tsy mampihatra izany? Ianao ve mpihaino sa mpankatô?
4. Efesiana 4:11-16... Inona no asan'ny Pastora sy Mpampianatra ao anatin'ny Fiangonana? Inona ireo antony roa hanatanterahana ny olona masina? Inona no ifandrais'an'ny andininy 16 aminao?
5. FAMERENANA: Ivereno ireo Soratra Masina nianaranao tamin'ity herinandro ity dia soraty izay zavatra nianaranao tamin'ireny.

**VAVAKA:** Soraty ny olona na zavatra nentinao am-bavaka androany

**FARAHALAHIANA:** Soraty ny anaran'ny mpino niarahanao androany sy ny nataonareo

**FIJOROANA VAVOLOMBELONA:** Soraty ny anaran'ny olona tsy mpino nijoroanao vavolombelona sy ny fomba nanaovanao izany.

## FANAOVAM-PIANATRA LESONA FAHASIVY: **FANAHAFAKO AN'I KRISTY MPITARIKA AHY, NY FANAHY MASINA**

**FAMPIDIRANA:** Ny fikambanana mahomby rehetra dia manana tale na mpitarika. Raha tsy misy izany dia hisy korontana; ary ny tsy fahampian'ny fitarihana mifantoka dia hisakana ny zavatra tsy ho vita. Hanjary hisy mambra maro izay manana fahaiza-mitarika ny fikambanana, fa samihafa ny hevit'olona. Raha hiezaka hitarika avokoa ny olona rehetra, dia samy handeha amin'ny zotra samihafa ny rehetra. Hisy foana ny filàna mpitarika iray, mba hahatonga ny fikambanana handeha tsara.

Jesosy Kristy Tompontsika dia tsy namela ny miaramilany tsy hanana fitarihana. Rehefa mandray an'i Kristy ho Mpamony ianao, ny Fanahy Masin'Andriamanitra dia miditra ao amin'ny fanahin'olombelona ary mipetraka ao foana. Ataony izany satria Izy manana adidy hitarika anao eny an-dalana, raha mbola ety an-tany ianao. Raha mankató ny Fanahy Masina ianao, dia tsy ho olana ny tsy fitovian-kevitra sy ny fiatrehana ny ady amin'ny rahalahy sy anabavy hafa ao amin'i Kristy, satria Izy no hitarika antsika amin'izay toerana alehantsika, sy hampianatra antsika izay tokony hatao. Rehefa mandeha mifanohitra amin'ny Fitarihany ihany ianao no manana olana.

### **I. NY ASA FANOMPOAN'NY FANAHY MASINA**

Talohan'ny niverenany nankany an-danitra Jesosy dia nilaza tamintsika ny amin'ny asa fanompoan'ny Fanahy Masina. Ao amin'ny JAONA 16:7-15 Izy dia nampianatra antsika, fa ny Fanahy masina dia manana asa lehibe anankiroa (1) Mandresy lahatra ny tsy mpino fa mpanota izy ireo ka tsy mahatratra ny fenitry ny fahatanterehana takiana hidirana any an-danitra, noho izany dia mila Mpamony, ary (2) Mitarika ny zanak'Andriamanitra mba hahatonga azy ireo hahatontosa ny zava-kendrena tamin'ny namoronana azy ireny.

Satria namonjy anao Andriamanitra dia izay no mahatonga anao mikatsaka ny ho lasa mpianatra. Noho izany isika dia te-hianatra ny tapany faharoa amin'ny asa fanompoan'ny Fanahy. Izany dia mahakasika ny fitarihana ilainao mba hitomboanao arapanahy. 2 KORINTIANA 3:18 dia mampianatra fa rehefa mankató ny Fanahy ianao, dia hasehony anao ny fahamarinan'ny Tompo, amin'ny fomba mahatonga anao ho voaova araka ny Endriny, eo amin'ny fitomboanao isan'andro. Ho hitanao tsikelikely fa miova ianao - tahaka ny mijery fitaratra sy mahita an'i Jeossy ao aminao bebe kokoa isan'andro. Amin'izay, rehefa mahita anao ireo namanao very, dia hahita an'i Jesosy ao aminao izy ireo, dia afaka miasa amin'ny alalanao ny Fanahy Masina ka afaka manao ny dingana voalohany amin'ny asa fanompoany: dia ny mandresy lahatra ny tsy mpino fa mila Mpamony izy ireo. Satria ianao miaina amin'ny fankatoavana ny Fanahy, dia hampitaha tena aminao izao tontolo izao, ka ho menatra, hiaiky ny fahotany ary te-hibebaka, hangataka famelan-keloka, ary hanaiky Ilay hany mahavonjy.

Ny Fanahy Masina dia fara-faharatsiny mampiasa fomba telo hahatanteraka ny fanovana ao anatinao. Araka ny ROMANA 5:3-5, ny iray amin'ireo fomba ireo dia ny fitondrana olana eo amin'ny fiainanao. Raha nandeha teny ny fiainanao fa tsy nisy olana na sakana, dia hiankina amin'ny tenanao ianao ary tsy hitanao izay iankinana amin'Andriamanitra. Rehefa mifanena amin'ny olana ianao, dia mianatra manana finoana an'Andriamanitra sy miakina Aminy, dia manome irika Azy hanehoany ny finiavany sy ny fahaizany miantoka ho anao, sy manampy anao amin'ny olam-piaianana, sy ny Sitrapony ho an'ny fiainanao.

Io fomba io no ampriasain'ny Fanahy "hanovana" antsika ho araka ny endrik'Andriamanitra. Nitady mandrakariva ny hanaovana ny sitrapon'ny Ray Jesosy. Koa noho izany, dia tsy maintsy mianatra manao toy izany koa isika. Na izany aza, raha miakin-doha mandrakariva amin'ny fahaizanao ianao ary mahatsapa mahavita tena, dia ho hitanao fa tsy hanao afa-tsy izay tianao ianao, ary hanadino ny zava-kendren'ny fisianao, dia ny hitondra haja sy voninahitra ho an'Andriamanitra. Indraindray rehefa mahatratra io fenitra io ianao eo amin'ny fiainana, dia mandefa olana eo amin'ny lalanao ny Fanahy Masina, izay hahatonga anao hikatsaka ny sitrapon' Andriamanitra sy ny fanampiany, izay hahatonga anao kosa hanahaka an'i Jesosy sy "hovàna ho araka ny Endriny".

Ny fomba faharoa ampriasain'ny Fanahy dia ny fanomezana "fitahiana". Satria ianao nianatra tamin'ny alalan'ny olanao, sy nanao fanitsiana nilaina teo amin'ny fiainanao, dia hahazo fitahiana avy amin'Andriamanitra ianao. Ho tonga ireny amin'ny maha-valisoanao tamin'ny fankatoavanao. Satria mandray fitahiana avy Aminy ianao, dia te-hanompo azy bebe kokoa. Izany ilay fomba anankiray hanampian'ny Fanahy anao hanovana anao ho tahaka ny Tompontsika bebe kokoa, izay "noho ny fifaliana izay natao teo anoloany, naharitra ny hazofijaliana, fa tsy nitandro henatra, ary mipetraka eo ankavan'an'ny sezafiandrianan'Andriamanitra" (Hebreo 12:2). Satria ianao nandray fitahiana avy amin'ny Ray, dia ho afaka hanohy ao amin' izay tian'Andriamanitra hataonao ianao, miaritra izay hasarotana ilaina iaretana, ary tapa-kevitra tsy miovaova hamita ny misiona, na inona na inona sandan'izany, mahafantatra fa amin'ny fiafaran'ny adinao dia mandray ny *fitahiana mahatretrika* ianao.

Ny fomba fahatelo ampriasain'ny Fanahy dia mikasika ny Tenin' Andriamanitra. Ity no fomba tena mahomby indrindra satria ny Tenin' Andriamanitra dia MAHERY, HEBREO 4:12 dia mampianatra antsika fa ny Baiboly dia manavatsava lalina noho ny sabatra roa lela. Raha atao teny hafa, ny Teniny dia mitsofoka hatrany amin'ny aina sy ny fanahin'ny olombelona ary mamantatra ny saina sy ny fisainan'ny fo. Hery re izany.

EFESIANA 6:17 dia milaza fa ny Baiboly dia "sabatry ny Fanahy". Alain' Andriamanitra ny Sabany ary tahaka ny ampiasan'ny dokotera mpandidy ny antsiny handidian olona, no anesorany izay rehetra manavesatra ny fahasalamanao ara-panahy.

## **II. NY SAKANA AMIN'NY ASA FANOMPOAN'NY FANAHY**

Ny sakana lehibe amin'ny fizotry ny fanovana anao ho amin'ny fanahafana an'i Kristy dia tsy i Satana, na ny devoly, na ny ota na izao tontolo izao. Fa ny tenanao ihany. Rehefa tsy mankató ny fitarihan'ny Fanahy ianao ary manao ireny zavatra voajanahary izay tian'nynofontsika atao ireny, dia lasa sakana, mampiadana ny fizotry ny fanovàna ianao. Raha tonga hatramin'ny fenitra izay tsy amelanao ny fizotry ny fanovana handeha ianao, dia lasa tsy misy ilàna azy ao amin'ny zava-kendren' Andriamanitra. Indraindry dia esorin'Andriamanitra ireo izay mandà tsy hanaraka ny sitrapony. Ny toe-javatra toy izany dia nitranga tao amin'ny 1 KORINTIANA 5:1? Tamin'ny fotoana nisian'ny iray tamin'ireo rahalahy tao amin'ny fiangonana tao Korinto nijangajanga tamin'ny vadindrainy. Raha ny fijery azy dia tsy nety nanova ny toetrany io rahalahy io, koa dia "natolotr'i Paoly ho an'i Satana" izy mba hahatonga ny natioran'otany ho potika (ny filan'nynofony) ary ny fanahiny ho voavonjy amin'ny andron' ny Tompo." Raha atao teny hafa, dia satria tsy namela ny fizotry ny fanovàna hitohy ilay rahalahy, dia nangataka ny Apostoly ny hanesorana azy, mba tsy hahatonga azy ho sakana ho an'ny hafa.

Zava-dehibe ny hahalalanao fa ny Fanahy akory tsy "zavatra na "biby" fa persona. Manana fihetsehampo izy ary mety ho tafintohina. Tafintohina ny Fanahy Masina rehefa tsy manaiky hanaraka ny fitarihany ianao ary miambaho an'Andriamanitra. Izany dia mifanohitra amin'ny tokony ataon'ny zanak'Andriamanitra. Izany dia fankatoavana ny fanirian'ny nofo. Nahoana no tafintohina ny Fanahy rehefa tsy mankató Azy isika? Satria tiany isika. Izy no mahalala ny soa indrindra ho antsika ary te-hitarika antsika amin'izay zotra izay Izy. Te-hamotika antsika izao tontolo izao. Nahoana moa Izy no tsy ho tafintohina rehefa mifidy ny hanaraka izao tontolo izao isika?

### **FAMINTINANA:**

Tadidio fa ianao dia firafitry ny singa telo; Vatana, aina, ary fanahy. Rehefa mandray an'i Jesosy ho Mpamonjinao ianao, dia miditra ao amin'ny fanahinao olombelona ny Fanahy Masina ary mitoetra ao mandrakariva. Te-hanana fifandraisana aminao Izy. Izy no Ilay Persona manokana miara-monina aminao, Izay eo hampianatra anao, hitarika anao, hiaro anao, ary hanampy anao hiova araka ny endriky ny Tompo. Raha te ho mpianatr'i Kristy marina ianao, dia ilaina ny mankató ny Fanahy Masina.

## **KAHIE FANDRAISANA ZAVA-PANAHY**



### **FIANARANA BAIBOLY:**

1. 1Tesaloniana 5:16-19... araka ny andininy 16-18, dia inona no tokony hataotsika tsy mitsahatra? Moa ve misongadina ireo zavatra telo ireo eo amin'ny fiainanao? Inona ireo fiovàna tokony hatao?
2. Galatiana 5:22-23... Inona ireo zavatra azonao marihina eo amin'ny fiainan'ny tena mpianatra izay mpankatô ny Fanahy? Inona amin'ireo zavatra ireo no toherinao? Inona no azonao ezahana hanampiana ny fandroson'ny fizotry ny fanovàna?
3. Jaona 16:13... Araka io andininy io, ho amin'inona no hitarihan'ny Fanahy antsika? Araka ny hevitrao, inona no dikan'ny "fahamarinana rehetra" Afaka manome anaran'ny fahamarinana sasany izay nitarihan'ny Fanahy anao ve ianao?
4. 1 Korintiana 2:14...Nahoana ny olona tsy nandray an'i Kristy ho Mpamony no tsy afaka mahatakatra zavatra mikasika an'Andriamanitra? Nisy fotoana niheveranao fa fahadalana ny zavatr'Andriamanitra. Izao ianao tsy izany intsony, nahoana?

### **FAMERENANA:**

Ivereno ireo Soratra Masina nianarana tamin'ity herinandro ity, dia soraty izaylesona notsoahinao avy amin'izany.

**VAVAKA:** Soraty ny olona na zavatra nentinao am-bavaka androany

**FIRAHALAHIANA:** Soraty ny anaran'ny mpino niarahanao androany sy izay nataonareo

**FIJOROANA VAVOLOMBELONA:** Soraty ny anaran'ny olona tsy mpino nijoroanao vavolombelona sy ny fomba nanaovanao izany.

## FANAOVAM-PIANATRA LESONA FAHAFOLO: NY FITAOVAM-PIADIAKO ARA-PANAHY NY BAIBOLIKO

**FAMPIDIRANA:** Maro Ireo miaramilan'ny Tompo manana tanjona tsara no ringana satria tsy mampiasa ny fiadiana tandrify izy ireo. Tsy mety ny hoe miady amin'ny zavamanan'aina fanahy ka mampiasa fiadiana ara-nofo. Ny hany hahavoa ny hery ratsy arapanahy dia fiadiana ara-panahy ihany. 2KORINTIANA 10:3-5 dia manondro fa na dia nofo aza isika dia tsy avy amin'ny nofo ny fiadantsika.

### I. NY BAIBOLY NO SABATRY NY FANAHY

EFESIANA 6:17 dia mampianatra antsika fa ny Tenin' Andriamanitra no "sabatry ny Fanahy". Amin'izany raha toa ka hanome Azy fiadiana hampiasaintsika eo amin'ny fiainantsika isika, dia tsy maitsy mpianatra ny Teny, sady manao izay hahazoana antoka fa manana fifandraisana tsara Aminy.

2 TIMOTY 2:15 dia mamporisika antsika mba ho mpiasa mahay mampiasa tsara ny Tenin' Andriamanitra araka ny tokony ho izy. Raha tsy mahalala ny Teny isika, dia tsy manana na inona na inona hofikiriny ny Fanahy Masina, mba hampiasana antsika. Arakaraky ny hahaizantsika ny Baiboly no hahaizantsika miady ho an'ny haja sy voninahitry ny Tompontsika.

Tadidio fa nametraka maodely ho antsika Jesosy raha ny mikasika ny mpianatra ny Soratra Masina no lazaina. Isaky ny mihaona amin'i Satana Izy tao amin'ny "fakamanahy tany an'efitra" dia namely tamin'ny Teny hoe: 'Voasoratra hoe, voasoratra hoe...voasoratra hoe.' Nolazainy tamin'ny Fariseo fa manao hadisoana maro izy ireo noho ny tsy fahalalany ny Baiboly. Raha nanokan-tena hianatra ny Baiboly ny Tompontsika, dia tokony hanaraka ny ohatra napetrany isika.

HEBREO 4:12 dia manondro ny hery ananan'ny Baiboly, ampitahaina amin'ny "sabatra roa lela".

Azonao an-tsaina ve ny zava-bitan'ny sabatra roa lela amin'ny olona iray? Ny Baiboly dia mitsofoka lalina any amin'ny aina ary manan-kery ampy hamantatra ny saina sy ny fisainan'ny fo!

JAONA 14:26 dia miresaka mikasika ny Mpanolo-tsaina, ny Fanahy Masina sarobidy, Izay avy amin'ny Ray mba hampianatra antsika sy hampahatsiaro antsika ireo zavatra nampianarin'i Jesosy sy nolazainy. Ny Fanahy Masina no mampahatsiaro ireo Apostoly ny Tenin'i Jesosy sy ny zavatra nataony, rehefa nipetraka nanoratra ny filazantsaran'ny Testamenta Vaovao izy ireo. Toy ny nampahatsiarovany azy ireo, no hampahatsiarovany antsika koa ireo zavatra ao amin'ny Baiboly, rehefa tonga ny fotoana mety. Fa inona moa no hampahatsiarovany antsika raha tsy nianatra ny Baiboly mihitsy isika? Tsy afaka haveriny ao amin'ny fitadidantsika mihitsy ny zavatra mbola tsy hitantsika.

Tokony ho tonga saina isika fa raha tsy misy ny fanampian'ny Fanahy Masina dia tsy afaka ny hampiasa ny Tenin'Andriamanitra amin'ny heriny fara-tampony isika. Tokony hotadidintsika fa sabatra ny Baiboly fa "sabatry ny fanahy". Tsy antsika izy io. Izay olona mifanaraka amin'ny Fanahy 100% ihany no afaka mifikitra aminy. Noho izany antony izany no tokony hahatonga antsika ho mpankatô Azy. Izay ihany no fomba afaka hanandratantsika ny Baiboly sy hananantsika antoka fa hanatanteraka izay nanaovan' Andriamanitra azy izy.

## **II. TSY BOKY FOTSINY NY BAIBOLY FA TRANOM-BOKY MANONTOLO**

Ny Baiboly dia fitambaran'ny boky 66 isa, ary izay no mahatonga azy ho tranom-boky feno! Ireo boky 66 ireo dia azo zaraina vondrona roa. Ny vondrom-boky voalohany dia natambatra talohan'ny asa fanompoana manokana nataon'i Jesosy tety an-tany. Io vondrom-boky io dia naseho ho eo ambany lohahevitra hoe "Testamenta Taloha". Ny tambatra boky faharoa dia nosoratana taorian'ny asa fanompoana manokana nataon'i Jesosy tety an-tany ary hita ao amin'ny ampahany antsointsika hoe: "Testamenta Vaovao".

Ireo bokin'ny Testamenta Taloha dia 39 ary azontsika zaraina amin'izao fomba izao:

BOKIN'NY LALĀNA Boky 5 - Genesisy hatramin'ny Deoteronomia

BOKIN-TANTARA...Boky 12 - Josoa hatramin'ny Estera

BOKIN-TONONKALO - Boky 5 - Joba hatramin'ny Tononkiran'ny Solomona

BOKIN'NY MPAMINANY LEHIBE - Boky 5 - Isaia hatramin'ny Daniela

BOKIN'NY MPAMINANY MADINIKA - Boky 12 - Hosea hatramin'ny Malakia

Misy boky 27 ao amin'ny Testamenta Vaovao, izay azo zaraina ho toy izao manaraka izao:

BOKIN'NY BIOGRAFIA - Boky 4- Matio hatramin'ny Jaona

BOKIN-TANTARA - Boky 1- Ny Asan'ny Apostoly

EPISTILY(Taratasy) - Boky 21- Romana hatramin'ny Joda

BOKY FAMINANIANA - Boky 1- Apokalypsy

## **III. AHOANA NO FIANARANA NY BAIBOLY**

Raha tiantsika ny hahita ny harena miafina ao amin'ny Baiboly, dia mila manao mihoatran'ny mijery an'ilay izy fotsiny isika, isaky ny fotoana. Mila mangady isika! Izay ihany no fomba hahafahanao mahita ny harena miafina izay miandry anao. Fa mba hahafahanao mangady lalina, dia mila torolalana manokana ianao.

Misy fitaovana fianarana izay ampiasain'ny Teolojiana (ireo izay mpandinika ny Baiboly), hanampiana azy ireo hahita harena miafina: 1) FANDINIHANA. (2) FANDIKANA NY HEVITR'IZAY VOALAZA. (3) FAMPIHARANA. Ny tsirairay amin'ireo fitaovana ireo dia hanampy antsika hangady lalindalina kokoa.

Alohan'ny hangadiansika dia mila manana fahafantarana ny tany aloha. Noho izany dia fahendrena ny mamaky mikasika ilay faritra ianarana, hahazoana hevitra hoe aiza no hanomboka hangady.

**FANDINIHANA** - Inona no lazain'ilay andininy? Amin'ity fitaovana voalohany ity, dia soratantsika amin'ny fitenintsika ilay andininy. Raha misy teny, toerana, na anarana fantatsika ao amin'ilay andininy, dia hevitra tsara ny manamarika azy ireny. Hahita isika fa matetika dia teny iray no hanazava ny andininy manontolo.

**FANDIKANA HEVITRA** - Inona no lazain'Andriamanitra? Amin'ity fitaovana faharoa ity, dia soratantsika izay neverintsika fa ambaran'Andriamanitra amintsika. Inona no tian'Andriamanitra ho hitako ao amin'ity andininy ity? Inona no lazainy amiko, mivantana sa an-kolaka?

**FAMPIHARANA** - Inona no tian'Andriamanitra hataoko amin'ity andininy ity? Ity fitaovana fahatelo ity no tena misy ny hery indrindra amin'izy telo. Hitanao, raha tsy ho ampiharintsika izay nianarantsika, dia nandàny fotoana fotsiny isika. Tahaka ny hoe nahita vola dia nandevina izany. Mila soratantsika izay tian' Andriamanitra hataontsika amin'ny alalan'io andininy io. Misy toetra ilaina ovantsika ve? Misy zavatra tian'Andriamanitra hataontsika ve? Soraty izany dia ataovy!

Mba hahafahantsika mampiasa ity fitaovana ity amin'ny tokony ho izy dia tsy maintsy:

## **MAODELY - NA KAHIE FANDRAISANA ZAVA-PANAHY**

**FIANARANA BAIBOLY :** Jakoba 4:4

**FANDINIHANA** - Hianareo mpijangajanga, tsy fantatrareo va fa fandrafiana an'Andriamanitra ny fisakaizana amin'izao tontolo izao ? Izay mifidy ny ho sakaizan'izao tontolo izao dia fahavalon'Andriamanitra izy.

**FANDIKANA HEVITRA** - Nilaza Andriamanitra fa raha naman'izao tontolo izao aho, dia tsy mahatoky amin'ny fifandraisako Aminy. Ampitahainy amin'ny tsy fahatokiana amin'ny fijangajangana ny tsy fahatokiako. Tsy vazivazy amin'Andriamanitra ny fifandraisako Aminy. Tsy zavatra mampihomehy izao Aminy.

**FAMPIHARANA** - Eny am-pandehanana amin'ny fandraharaharana ataoko eny aho androany, dia ho alaim-panahy ho sakaizan'izao tontolo izao, mamadika ny fifandraisako amin' Andriamanitra. Tsy maintsy mitadidy aho ny ho mahatoky amin'ny fifandraisako amin'Andriamanitra, manao zavatra araka izay tiany hanaovako azy.

**VAVAKA:** Soraty ny olona na zavatra nentinao am-bavaka androany.

**FIRAHALAHIANA:** Soraty ny anaran'ny mpino niarahanao androany sy ny zavatra nataonareo

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona androany sy ny fomba nanaovanao izany.

## **KAHIE FANDRAISANA ZAVA-PANAHY**



**FIANARANA BAIBOLY:** Hanomboka hampiasa Fandinhana, Fandikana hevitra, ary Fampiharana isika amin'ity herinandro ity.

1. 2 Timoty 2:15
2. Hebreo 4:12
3. 2 Korintiana 10:3-5
4. Jaona 14:26
5. Efesiana 6:17

**VAVAKA:** Soraty ny olona na zavatra nentinao am-bavaka androany.

**FIRAHALAHIANA:** Soraty ny anaran'ny mpino niarahanao androany sy ny zavatranataonareo

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona androany sy ny fomba nanaovanao izany.

## FANOVA-MPIANATRA LESONA FAHA IRAIKAMBINIFOLO: IREO FIADIAKO ARA-PANAHY VAVAKA

**FAMPIDIRANA:** Ny fomba tsara indrindra ianarana mitaingina bisikileta dia ny mitaingina eo amboniny, mandeha, ary miezaka ny tsy hianjera! Mitovy amin'izay fitsipika izay no ampiharina amin'ny vavaka. Ny fomba tsara indrindra ianarana mivavaka dia tsotra, manatontosa izany fotsiny. Mivavaka, mivavaka, mivavaka ihany. Arakaraky ny handanantsika fotoana ivavahana no hahamora izany ho antsika.

Mianatra mikasika ireo fiadiansika ara-panahy isika. Tamin'ny lesontsika farany dia nianatra mikasika ny Baiboly isika. Ao amin'ity fiadiana ity dia handinika fiadiana mahery vaika anankiray koa isika: dia ny Vavaka. Ny vavaka dia fomba hifaneraserantsika amin'Andriamanitra. Mifandray amintsika Izy amin'ny alalan'ny Teniny, ary mifandray Aminy isika amin'ny alalan'ny vavaka. Ny mivavaka dia miresaka tsotra fotsiny amin'Andriamanitra.

Tokony ho fantatsika fa tsy ho an'Andriamanitra akory ny vavaka. Ho antsika izany. Fantany ny eritreritsika lalina. Tsy mila milaza zavatra isika hahalalany fa mieritreritra isika na mahatsapa. Natao ho antsika ny vavaka. Fiadiana napetrak'Andriamanitra ho ampiasaintsika io ary azontsika na ampiasaina na ampirimina any anaty "fitoeran-damba"(izay no nataon'ny ankamaroan'ny Kristiana nandrity ny taona maro). Raha manana finoana isika, dia ho ampiasantsika izany.

Dia mbola averina indray, aoka ho azontsika fa tsy misy fomba fiteny mety amin'ny vavaka. Hihaino izay olona mankany aminy amin'ny fo tsotra Andriamanitra. Fa misy singa efatra izay tokony ho ao anaty vavaka ataontsika, izay hanampy antsika hahomby kokoa mandrity ny fotoana ivavahantsika. Ireto avy ireo singa efatra ireo: FIDERANA, FIAIKENA, FANELANELANANA ary FISAORANA. Andeha hojerentsika izay lazain'ny Baiboly mikasika ireo singa ireo, ary hiezaka isika hampiditra azy ireo ao anaty fotoana ivavahantsika.

### I. NY SINGA FIDERANA

Tokony ho takatsika hoe amin'iza moa no isehoantsika rehefa mivavaka. Tsy hoe manatona olona tsotra fotsiny akory isika. Miseho eo anatrehan'Ilay Andriamaniry ny tontolo isika! HEBREO 4:16 dia manambara amintsika fa afaka manatona am-pahasahiana eo anolona'ny sezafiandrianan'Andriamanitra isika, satria Zanany. Afaka manatona ny sezafiandrianany isika satria mahatsapa fa Izy no Andriamanitra! Manatona ny Sezafiandrianany isika satria mahalala fa Izy irery ihany no Ilay TOKANA Izay afaka manampy antsika amin'ny fotoana ilantsika zavatra.

Rehefa manatona ny sezafiandrianan'Andriamanitra isika, dia manao izany amin-toky, satria Izy no Raintsika. Na izany aza, dia tsy manatona azy tsy ampy fanajana isika. Izy no Mpamorona antsika Izay nanolotra ny Ainy ho antsika. Zanany isika, ary noho ny fahasoavany irery izany, ka tsy tokony hohadointsika izany fahamarinana izany. Tsy

misy amintsika afaka mankeo anatrehan' Andriamanitra satria mendrika hanao izany. Ny hany antony hahafahantsika mankeo anatrehany dia satria iriany izany. Ka ny fahafahantsika manao izany dia tombontsoa.

HEBREO 11:6 dia manondro fa tian'Andriamanitra hino isika fa Izy no Mpamaly izay rehetra mitady Azy. Tiani hikatsaka sy hino Azy isika. Raha tena mino isika fa Izy no Mpamorona ny zavatra rehetra, dia mila milaza izany Aminy isika. Efa fantany izany, fa tiany hotenenintsika. Tsy voatery hanao izany mafy isika, (tadio fa fantany ny ao antsaintsika). Na izany aza, dia ilaina ny hanatodihantsika ny eritreritsika Aminy, na mafy izany na ao an'eritreritra. Raha mihevitra tokoa isika fa mihaino antsika Andriamanitra, ary Izy no Vaha-olantsika, dia handàny fotoana ela kokoa hiaraka Aminy amin'ny vavaka. Tian'Andriamanitra hanatona Azy amin'ny finoana isika, sady mino! Tokony hanatona Azy isika ary milaza Aminy fa tena mahafinaritra Izy, sady midera Azy noho ny famirapiratany!

HEBREO 13:15 dia mampahery antsika hanolotra fiderana ho an'Andriamanitra mandrakariva. Tsy maintsy manome Azy ny "vokatry ny molotsika" isika!

## II. NY SINGA FIAIKENA

Rehefa manatona ny sezafiandrianan'Andriamanitra isika, dia tsy maintsy mitandrina fa manao izany am-panetre-tena. Tokony hotsaroantsika mandrakariva hoe IZA Andriamanitra ary iza isika. Tsy mihoatra ny mpanota novonjeny tamin'ny fahasoavany isika. Misy zavatra iray tsy eken'Andriamanitra eo amin'ny fiainantsika: fahotana izay tsy niaikena. Rehefa manatona ny sezafiandrianany isika miezaka manafina ny otantsika (zavatra izay tsy mitranga mihitsy), dia tsy manaja an'Andriamanitra. Tsy tsotra Aminy isika, nihatsaravelatsihy, ary tsy zakan'Andriamanitra ny toetra toy izany eo amin'ny zanany.

ISAIA 59:1-2 dia mampianatra antsika fa manana hery hanaovana izay rehetra mahafinaritra Azy Andriamanitra. Raha tsy mamaly ny vavatsika Izy, dia satria ny otantsika namangana rindrina nampisaraka antsika Aminy, ka dia tsy mihaino Izy.

2 TANTARA 7:14 dia manazava fa misy fepetra ny famalian'Andriamanitra ny vavatsika. Raha manetry tena isika, mivavaka, ary mikatsaka Azy sy miala amin'ny ratsy fanaontsika, dia hihaino antsika Izy ary hamaly. Fa misy fepetra napetraka eto. Mila manao ezaka tsy mihodinkodina isika, hikatsahana an'Andriamanitra, rehefa mankeo anatrehany. Tsy afaka mamitaka Azy isika.

Mankahala ota Andriamanitra ary fantatsika izany. Rehefa lavo ao anaty fahotana isika, dia tsy ilaozany akory. Fa tsipihiny fa tokony ho tsotra Aminy isika. Tsy maintsy miaky ny fahotantsika isika, amim-pahatsorana, ary rehefa vitantsika izany, dia nampanantena handre sy hamaly ny vavaka ataontsika araka ny Sitrapony Izy.

### **III. NY SINGA VAVAKA FANELANELANANA**

Ny zava-kendren'ny fisiantsika dia ny hanaja sy hanome voninahitra an'Andriamanitra. Tanteraka izany tanjona izany rehefa manompo ny hafa amin'ny Anarany isika. Jesosy Tompontsika dia niteny fa tsy tonga mba hotompoina Izy fa hanompo sy hanolotra ny Ainy hamonjena ny hafa. Amin'ny maha-Mpianany antsika dia tokony hanao toy izany koa isika.

Napetraky ny Tompontsika avokoa izay rehetra Titra nentiny tany an-danitra ary tonga tety an-tany Izy hanome ny Ainy, nankatô an'Andriamanitra Ray. Tsy nisy taolan' ny fitiavan-tena tao amin'ny Tenany. Ny fiainany manontolo dia niainany tamin'ny fanampiana ny hafa. Tokony ho toy izany koa no holazain'ny olona ny amin'ny Mpianany. Ny asa fanompoantsika dia ny hanompo an'Andriamanitra sy ny hafa amin'ny Anarany.

JAKOBA 4:3 dia manazava fa tsy azontsika izay angatahintsika satria angatahana amin'ny fitiavan-tena. Ny zavatra ilaintsika foana no angatahintsika. Zavatra mikasika ny natiora maha-nofo antsika. Zavatra ho antsika fa tsy mba ho an'ny mikasika an'i Kristy sy ny fanitarana ny Fanjakany.

1 TIMOTY 2:1 dia manondro fa tokony hanatona ny Ray hivavaka ho an'ny olona rehetra isika.

1 SAMOELA 12:23 dia mampahatsihy ny amin'ireo mpaminany izay nihevitra ny tsy fivavahana ho an'i Israely ho ota. Nampianarin'i Jesosy antsika fa isika no fanasin'ny tany, sy fahazavana ho an'izao tontolo izao. Andraikitsika ny mivavaka mifona ho an'ny olombelona.

Rehefa mankeo anatrehan'Andriamanitra isika, ho an'ny hafa, dia mila manatona amin'ny faniriana tsy mihatsaravelatsihy hahasoa azy ireo. Toy izany ny fanirian'i Mosesy hahasoa ny Israely ka nitenenany hoe: "Indrisy, efa nanao fahotana lehibe ity firenena ity! fa efa nanao andriamani-bolamena ho azy; enga anie ka hamela ny fahotany Ianao. Fa raha tsy izany, mifona aminao aho esory eo amin'ny bokinao izay nosoratanao ny anarako" (Eksodosy 32: 31-32)

Naneho fitaintainana marina mikasika ny vahoakany i Mosesy. Tena nitaintaina izy ka tsy nisy lanjany taminy intsony ny maha-izy azy.

I Paoly apostoly koa dia nanana izany fihetseham-po izany. Ao amin'ny ROMANA 9:3 Ny apostoly dia nanoratra hoe:" fa efa saiky niriko aza ny ho voaozona ho afaka tamin'i Kristy ny tenako, mba hahavonjeko ny rahalahiko, havako araka ny nofo." Lehibe loatra ny fitiavan'i Paoly ny taranaky ny Jiosy, ka hanekeny ny handeha ho any amin'ny helo aza, raha izany no hahavoavonjy azy ireo.

Ny fiainan'ny Tompontsika manontolo dia fiainana vavaka fifonana. Amin'ny tsirairay amin'ny vavaka nataony, dia hahitantsika Azy mivavaka ho an'ny hafa. Raha Mpianany isika dia hanao toy izany koa. Mila antsika ity tontolo misy antsika ity. Mila antsika izy satria isika no mifona andro aman'alina hahasoa ny olombelona.

#### **IV. NY SINGA FISAORANA**

Na dia ao anatin'ny fifantohantsika amin'ny tenantsika aza, dia tsy adinontsika ny mankeo amin'Andriamanitra rehefa manana olana isika. Mankeo Aminy foana isika rehefa mety ny hanaovana izany. Kanefa io karazana fitiavantena io dia tsy mamela antsika haneho fankasitrahana. Manana fahaizana manokana amin'ny fangatahana zavatra isika fa tena zara raha misaotra.

LIOKA 17:11-19 dia manambara amintsika ny amin'ireo boka folo nanatona an'i Jesosy mba handray fanasitranana. Nirahiny ho any amin'ireo mpisorona Jiosy izy ireo mba hanamafisana fa sitrana. Teny an-dalana hankany amin'ny mpisorona dia sitrana avokoa izy folo ireo. Firy no niverina nisaotra an'i Jesosy? Iray ihany! Moa ve isika manaraka ny fomba mahafinaritra antsika (toy ireo sivy lahy)? ary tsy nisaotra mihitsy? Moa ve tena mino isika fa mendrika hahita fitia amin'Andriamanitra?

1 TESALONIANA 5:18 dia mampianatra antsika mba hisaotra amin'ny zavatra rehetra, satria izany no ankasitrahana'Andriamanitra. Averina indray, ny fitiavantenantsika no mahatonga antsika tsy miaky fa izay rehetra ananantsika dia Azy avokoa, ary raha tsy noho ny Aminy dia tsy manana na inona na inona isika. Tokony ho feno fisaorana isika.

#### **FAMINTINANA:**

Tsy maintsy takatsika fa ny vavaka dia tsy inona fa firesahana amin'Andriamanitra. Tiany hifandray Aminy isika. Tiany haka fotoana iresahana Aminy isika isan'andro isan'andro. Raha mampiasa ireo singa efatra ireo isika, dia ho tsara fampiasa ny fotoantsika; ary amin'ny fotoana mahamety, dia ho tonga Mpiady Mahery amin'ny vavaka tahaka an'i Jesosy Kristy Tompontsika isika.

## **KAHIE FANDRAISANA ZAVA-PANAHY**



**FIANARANA BAIBOLY:** Andeha isika hampihatra ny fizotry ny Fandinihana, Fandraisana ny dikan'ny teny, ary Fampiharana, amin'ny fampiasana ireto andininy ireto.

1. Kolosiana 4:2
2. Matio 6:5
3. Jakoba 5:16
4. Hebreo 11:6
5. 1 Tesaloniana 5:18

**VAVAKA:** Soraty ny olona na zavatra nentinao am-bavaka androany.

**FIRAHALAHIANA:** Soraty ny anaran'ny mpino niarahanao androany sy ny zavatra nataonareo

**FIJOROANA VAVOLOMBELONA:** Soraty ny anaran'ny tsy mpino nijoroanao vavolombelona androany sy ny fomba nanaovanao izany.

FANOVA-MPIANATRA LESONA FAHA ROAMBINIFOLO:  
**NY FIADIAKO ARA-PANAHY FIRAHALAHIANA SY FIJOROANA  
VAVOLOMBELONA**

**FAMPIDIRANA:** Raha tsotra amin'ny tenantsika isika, dia angamba hanaiky fa ny zavatra mahatonga ny olona ho taitran'ny filazantsara dia ny fiainana miova. Ny fiainana miova dia zavatra manintona ny olona.

1 KORINTIANA 2:14 dia milaza amintsika fa ny olona araka ny nofo (ny olona izay tsy nandray an'i Jesosy ho Mpamomjiny) dia tsy mahatakatra ny zavatra ara-panahy. Ny tena izy, fahadalana aminy ny zava-panahy, satria mbola tsy teraka ara-panahy izy.

Ny zava-dehibe mikasika ny fahatakarana ity fahamarinana ara-panahy ity, dia isika tsy ho ela dia hahatsapa fa tokony haneho zavatra ara-panahy isika, mba hahatonga izao tontolo izao hahatakatra izany. Ny hany zavatra takatr'izao tontolo izao dia ny zavatra azo tsapain-tanana na ny ara-materiely. Izany hoe, mila mianatra maneho amin'izy ireo amin'ny fomba azony tsapan-tanana ny vokatry ny ara-panahy eo amin'ny olona isika (araka izay azo atao). Tsy ho mora akory izany, fa izany no hany azontsika atao, mba hahatakarany.

Misy karazana olona roa eto amin'izao tontolo izao: ny Mpino sy ny Tsy mpino. Tsy maintsy miara-miaina sy miritra amin'ireo isika. Ny fomba fifaneraserantsika amin'ireo vondrona roa ireo, dia hisy akony eo aminy arakaraky ny sary azony avy amintsika. Ny sary tiantsika alefa dia sarin'ny fifampaherezana, sy fanolorantena ho an'ny Tompo. Izay fomba izay no hahatonga ny olona hjery antsika sy hahita izay nataon'ny ara-panahy tamintsika. Izany sary izany no hanampy antsika hahazo laka bebe kokoa ho an'ny Fanjakan' Andriamanitra. Hahita an'i Jesosy ao amintsika izao tontolo izao, ary izany no fanirian'ny mpianatra tsirairay.

## I. FIRAHALAHIANA

Ny firahalahiana dia ny fomba fifandraisantsika amin'ny mpino hafa (rahalahy sy anabavy ao amin'i Kristy). Tokony ho azontsika fa na dia tsy mitovy hevitra amin'ny zavatra rehetra aza isika, rehefa nandray an'i Jesosy ho Tomponsika sy Mpamomjy antsika dia mpirahalahy. Tsy misy zavatra afaka manova izany! Ankohonana iray isika. Ny mpino rehetra dia isan'ny ankohonan'Andriamanitra.

1 TIMOTY 5:1-2 dia milaza amintsika fa tokony hanao zavatra amin'ny fomba miavaka isika, raha ny ankohonana no resahina. Tokony horaisintsika tahaka ny raiamandreny ny loholona, ary ireo mitovy taona amintsika sy ny zandrintsika, toy ny rahalahy sy anabavintsika. Ankohonana iray isika, koa ny fihetsitsika dia tokony ho am-pitiavana, satria ny Raitsika any an-danitra dia FITIAVANA.

JAKOBA 5:16 dia mampianatra antsika samy hiaiky ny fahalementsika avy, sy hifampivavaka, mba hahatonga antsika ho salama. Rehefa mifampizara fahalemena isika, dia ho haintsika ny mifanampy sy mifampiaro bebe kokoa.

KOLOSIANA 3:12-13 dia milaza fa tokony hanana faharetana isika samy isika, ary hifampahazaka. Milaza koa io fa raha manafintohina antsika ny rahalahy, dia tokony hamela heloka azy isika. Tokony ho azontsika fa na dia mpirahalahy sy mpianadahy ao amin'ny Tompo aza, ny sasany amintsika tsy nahatakatra ny haavo ara-panahin'ny hafa, noho izany, dia mila manana faharetana sy mila mifampianatra isika.

HEBREO 13:17 DIA MANONDRO FA MANANA FIRAFITRA NY ANKOHONANA ARA-PANAHINTSIKA. Raha tsy manana rafitra ny ankohonana, dia tsy mankaiza, satria manjary samy manao ny ataony ny rehetra. Nametraka Mpitandrina Andriamanitra hitarika ny Fiagonany, ho mpitarika ara-panahy na mpitari-dalana. Ny mpitandrina dia manana andraikitra lehibe ary mila ny fiaraha-miasan'ny ankohonana, mba hahavitany ny andraikitra amin'ny fitarihana ny andian'ondry.

GALATIANA 6:6 dia manambara amintsika fa ilaina ny mizara ny fandresentsika amin'izay mampianatra antsika ny Teny, satria izy ireo mampianatra antsika ny andraikitra izay zarentsika amin'ny maha ankohonana.

Tsy misy afaka mahalala antsika bebe kokoa noho ny rahalahy sy anabavy ao amin'i Kristy (ankoatr'i Jesosy Tenany). Tsy mahalala antsika izao tontolo izao satria tsy mahatakatra zava-panahy izy. Satria marina izany, dia tsy misy antony tokony hifampihinanantsika. Raha tsy miaro ny mpiray ankohonana amintsika isika dia iza indray no hanao izany?

## II. FIJOROANA VAVOLOMBELONA

Anisan'ny fijoroana vavolombelona ny toetrantsika miaraka amin'ny tsy mpino. Satria nahazo firahalahiana tsara amin'ny rahalahy sy anabavy ao amin'i Kristy isika, dia mahazo ny zavatra ilaina rehetra, hahafahantsika manampy ireo izay voasaringot'izao tontolo izao.

MATIO 5:16 dia manambara amintsika fa tokony hamiratra eo anoloan'ny olona ny fahazavantsika, mba ho hitany ny asa tsara ataontsika ka hanomezany voninahitra ny Rauntsika any an-danitra. Rehefa mijery antsika ny tsy mpino, dia mila mahita an'i Jesosy. Raha mahita ratsy amintsika izy ireo, dia tsy hahita ny fahasamihafana eo amintsika sy aminy; dia hanjary tsy azony ny ilazantsika hoe mila an'i Jesosy izy. Na izany aza, raha asehontsika mivantana ny maha-izy antsika ara-panahy, dia ho fantany ny zavatra ilainy, ary hanome antsika irika hampahafantarana an'i Jesosy azy ireo izany.

1 KORINTIANA 12:27 dia manondro fa isika no Tenan'i Kristy. Isika no Tanany sy Tongony. Raha tsy manampy hitondra fanafahana eto amin'izao tontolo izao isika, dia tsy hisy hanao izany. Asantsika izany.

TITOSY 2:7-8 dia mampianatra antsika fa andraikitsika ny manome maodely tsara amin'izay rehetra ataantsika. Ny maodely toy izany dia tokony hajoro, mba ho menatra ny fahavalontsika, tsy hanana zava-dratsy iampangana antsika

Ny tena marina dia misy ifandraisany amin'ny hoe efa leo ny mandre mikasika ny fivavahana Kristiana ny olona. Te-HAHITA ny Fivavahana Kristiana izy! Ary TOKONY hahita ny Fivavahana Kristiana izy! Matetika ny olona rehefa mijery Kristiana, dia te-hitsoaka raha tokony hanakaiky. Mila miova izany!

**FAMINTINANA:** Arakaraky ny hampiarantsika ny firahalahiana amin'ny rahalahy sy anabavintsika ao amin'i Kristy izay lazain'ny OHABOLANA 27:17 no hitrangan'izany amintsika. Toy ny fandranity ny vy amin'ny vy no hifampandrosoantsika. Ary rehefa mitranga io fandehan-javatra io, dia afaka miditra any amin'izao tontolo izao amin-kery isika ary mahazo fanahy ho an'i Jesosy Kristy Tompontsika!

Tokony hotadidintsika fa tsy ampy ny miresaka zava-panahy amin'izao tontolo izao, satria ireo izay tsy mbola voavonjy dia tsy hahatakatra an'izany. Mila miaina ny filazantsaran'i Jesosy Tompontsika ao amin'ny nofo isika.

## **KAHIE FANDRAISANA ZAVA-PANAHY**



**FIANARANA BAIBOLY:** Ampiasao ny fizotry ny Fandinhana, Fandikana hevitra, ary Fampiharana amin'ireto andinininy manaraka ireto.

1. 1Timoty 5:8
2. Filipiana 2:3-4
3. Efesiana 4:32
4. Matio 5:26
5. Titosy 2:7-8

**VAVAKA:** Soraty ny olona na zavatra nentinao am-bavaka androany

**FIRAHALAHIANA:** Soraty ny anaran'ny mpino niarahanao androany sy ny nataonareo

**FIJOROANA VAVOLOMBELONA:** Soraty ny anaran'ny olona tsy mpino nijoroanao vavolombelona sy ny fomba nanaovanao izany